



卯忠齋集

長沙曹一鳴先生寫首



卯

光緒丁酉冬月
湘南書局開雕

翁木

漢忠孝節

先生餘

光緒丁酉冬月
湘南書局開雕

諸葛武侯集目錄

卷首

御製文

製讀出師表詩

御製蜀漢興亡論

御製五賢祠詩

御製武侯贊

御

卷一

著作

吟

對

詔

表

疏

公文

議

教

書

帖

帖

卷二

綱目

語錄

本傳

年譜

軼事

用人

製器

勝

蹟

卷三

諸葛武侯集

目錄

附錄

共文七十五篇

卷四

附錄

共文十七篇

詩六十四首

附陣圖

分野

諸葛武侯集卷首

高宗純皇帝御製蜀漢興亡論

漢自桓靈以來王道中絕奸權乘釁曹操孫權公孫瓚袁紹迭起窺伺名器而昭烈以王室之胄懷忠義之志抱雄傑之才欲恢復天下掃除大憝然歸於陶謙依於公孫瓚寄居於袁紹爲客於荊州其間遭危困被禍亂不可枚舉而英雄不得用其武狼狽奔走幾二十年旣得孔明於是待以股肱寄以心膂用其計謀而得荊州諸郡之地有涪城成都之險以成鼎足之勢然終不能克復天下僅得一州者固緣曹孫盛

諸葛武侯集

卷首

強立國旣固不能卒滅亦以不專於圖魏忿兵伐吳之所致也使如趙雲所言居河渭上流以伐逆寇漢事未必無成卒致大敗於猇亭威挫勢蹙是亦昭烈之失矣延及後主信用孔明成都大治守父之餘烈保土安疆七縱之威六出之銳敵國畏之如虎追孔明歿黃皓陳祇用事殄民誤國而漢祚告終嗟夫治亂之理豈非係於人君之用賢與不用賢哉當昭烈之狼狽奔走以未得孔明故也後主之克守前烈爲敵國所畏者以孔明在相位故也其用黃皓陳祇而喪國敗家者以孔明旣歿故也賢人爲國家之寶豈不信哉

御製諸葛武侯贊

南陽之藪有龍而蟠金玉其音碩人之寬昭烈下賢三顧彌
虔風雲蒸變乃出其淵東聘吳都綸巾羽扇業業樓船煌煌
火焰摧曹和孫克定益州乃集其勢乃成其謀白帝託孤實
肩重任盡瘁鞠躬王臣之盡七擒六出八陣千井集思廣益
淡泊寧靜察變以明動物以誠奸回丕革官府肅清諸葛大
名星輝雲爛惟公一身存亡繫漢

御製讀武侯出師表詩

燎滅中原鹿又亡獨畱微燼熾炎方三分已是輸全局七縱

諸葛武侯集卷首

二

猶然保小康此日攬搶須北指當年魚水憶南陽魏宮草樹
終搖落千古丹心表兩章

御製五賢祠詩

有序

沂州古瑯琊郡漢諸葛亮故里晉王祥王覽唐顏杲卿眞
卿皆產其地舊有景賢祠合祀之嘉其純忠至孝節烈彪
炳足表範人倫紀之以詩

王祥王覽能全孝眞卿杲卿均致身所遇由來殊出處要推
諸葛是全人

諸葛武侯遺像



諸葛武侯集
卷首

三

諸葛武侯集卷首終

諸葛武侯集卷一

吟
步出齊城門遙望蕩陰里
中有三墳纍纍正相似問是誰家墓
田疆古冶氏力能排南山文能絕地紀
一朝被讒言二桃殺三士誰能為此謀
相國齊晏子

梁甫吟

步出齊城門遙望蕩陰里
中有三墳纍纍正相似問是誰家墓
田疆古冶氏力能排南山文能絕地紀
一朝被讒言二桃殺三士誰能為此謀
相國齊晏子

對

諸葛武侯集

卷一

草廬策對

自董卓以來豪傑並起跨州連郡者不可勝數曹操比於袁紹則名微而眾寡然操遂能克紹以弱為強者非惟天命抑亦人謀也今操已擁百萬之眾挾天子以令諸侯此誠不可與爭鋒孫權據有江東已歷三世國險而民附賢能為之用此可以為援而不可圖也荆州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知行恤智能之士思得明君將軍

既帝室之胄信義著於四海總攬英雄思賢如渴若跨有荆益保其巖阻西和諸戎南撫夷越外結好孫權內修政理天下有變則命一上將將荊州之軍以向宛洛將軍身率益州之衆以出秦川百姓孰敢不簞食壺漿以迎將軍者乎誠如是則霸業可成漢室可興矣

詔

爲後主伐魏詔

殷聞天地之道福仁而禍淫善積者昌惡積者喪古今常數也是以湯武修德而王桀紂極暴而亡曩者漢祚中微網漏凶慝

諸葛武侯集

卷一

對

二

董卓造難震蕩京畿曹操階禍竊執天衡殘剝海內懷無君之心子丕孤豎敢尋亂階盜據神器更姓改物世濟其凶當此之時皇極幽昧天下無主則我帝命隕越於下昭烈皇帝體明獻之德光演文武應乾坤之運出身平難經營四方人鬼同謀百姓與能兆民欣戴奉順符讖建位易號丕承天序補弊興衰存復祖業膺誕皇綱不墜於地萬國未靜早世遐殂朕以幼冲繼統鴻基未習保傅之訓而嬰祖宗之重六合壅否社稷不建永惟所以念在匡救光載前緒未有攸濟朕甚懼焉是以夙興夜寐不敢自逸每從菲薄以益國用勸分務穡以阜民財授才任

能以參其時斷私降意以養將士欲奮劍長驅指討凶逆朱旗未舉而丕復隕喪斯所謂不然我薪而自焚也殘類餘醜又支天禍恣睢河洛阻兵未弭諸葛丞相宏毅忠壯忘身憂國先帝托以天下以勗朕躬今授之以旄鉞之重付之以專命之權統領步騎二十萬衆董督元戎恭行天伐除患甯亂克復舊都在此行也昔項籍總一疆衆跨州兼土所務者大然卒敗垓下死於東城宗族如焚爲笑千載皆不以義陵上虐下故也今賊倣尤天人所怨奉時宜速戡惡炎精祖宗威靈相助之福所向必克吳王孫權同恤災患潛軍合謀掎角其後涼州諸國王各遣

諸葛武侯集

卷一

詔

三

月支康居胡侯支富康植等二十餘人詣受節度大軍北出便欲率將兵馬奮戈先驅天命既集人事又至師貞勢并必無敵矣夫王者之兵有征無戰尊而且義莫敢抗也故鳴條之役軍不血刃牧野之師商人倒戈今旂麾首路其所經至亦不欲窮兵極武有能棄邪從正簞食壺漿以迎王師者國有常典封寵大小各有品限及魏之宗族支葉中外有能規利害審逆順之數來詣降者皆原除之昔輔果絕親於智氏而蒙全宗之福微子去殷項伯歸漢皆受茅土之慶此前世之明驗也若其迷沉不反將助亂人不式王命戮及妻孥罔有攸赦廣宣恩威貸其

元帥弔其殘民他如詔書律令丞相其露布天下俾稱朕意焉
表

爲羣下上漢帝請先主爲漢中王表

昔唐堯至聖而四凶在朝周成仁賢而四國作難高后稱制而
諸呂竊命孝昭幼冲而上官逆謀皆馮世寵藉履國權窮凶極
亂社稷幾危非大舜周公朱虛博陸則不能流放禽討安危定
傾伏惟陛下誕姿聖德統理萬邦而遭厄運不造之艱董卓首
難蕩覆京畿曹操階禍竊執天衡皇后太子鳩殺見害剝亂天
下殘毀民物久令陛下蒙塵憂厄幽處虛邑人神無主退絕王
諸葛武侯集卷一
四
命厭昧皇極欲盜神器左將軍領司隸校尉豫荆益三州牧宜
城亭侯備受朝爵秩念在輸力以殉國難觀其機兆赫然憤發
與車騎將軍董承同謀誅操將安國家克甯舊都會承機事不
密令操游魂得遂長惡殘民海內臣等每懼王室大有閭樂之
禍小有安定之變夙夜惴惴戰慄累息昔在虞書敦序九族周
監二代封建同姓詩著其義歷載長久漢興之初割裂疆土尊
王子弟是以卒折諸呂之難而成太宗之基臣等以備肺腑枝
葉宗子藩翰心存國家念在弭亂自操破於漢中海內英雄望
風蟻附而爵號不顯九錫未加非所以鎮衛社稷光昭萬世也

奉辭在外禮命斷絕昔河西太守梁統等值漢中興限於山河位同權均不能相率咸摧竇融以爲元帥卒立效績推破隗隗今社稷之難急於隴蜀操外吞天下內殘羣僚朝廷有蕭牆之危而禦侮未建可爲寒心臣等輒依舊典封備漢中王拜大司馬董齊六軍糾合同盟掃滅凶逆以漢中巴蜀廣漢犍爲爲國所署置依漢初諸侯王故典夫權宜之制苟利社稷專之可也然後功成事立臣等退伏矯罪雖死無恨

請宣大行遺詔表

伏惟大行皇帝邁仁樹德覆燾無疆昊天不弔寢疾彌留今月

諸葛武侯集

卷一

表

五

二十四日奄忽升遐臣妾號眺若喪考妣乃顧遺詔事惟太宗動容損益百僚發哀滿三日除服到葬期復如禮其郡國太守相都尉縣令長三日便除服臣亮親受勅戒震畏神靈不敢有違臣請宣下奉行

薦呂凱表

永昌郡吏呂凱府丞王伉等執忠絕域十有餘年雍闓高定偪其東北而凱等守義不與交通臣不意永昌風俗敦直乃爾以凱爲雲南太守封陽遷亭侯

前出師表

臣亮言先帝創業未半而中道崩殂今天下三分益州疲敝此誠危急存亡之秋也然侍衛之臣不懈於內忠志之士忘身於外者蓋追先帝之殊遇欲報之於陛下也誠宜開張聖聽以光先帝遺德恢宏志士之氣不宜妄自菲薄引喻失義以塞忠諫之路也宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭陛下平明之治不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以爲宮中之事事無大小悉以諮之然後施行必能裨補闕漏有所廣益也將軍向寵

諸葛武侯集

卷一

表

六

性行淑均曉暢軍事試用於昔日先帝稱之曰能是以衆議舉寵以爲督愚以爲營中之事事無大小悉以諮之必能使行陣和穆優劣得所也親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尙書長史參軍此悉貞亮死節之臣也願陛下親之信之則漢室之隆可計日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆受任於敗軍之際奉命於危難之間

邇來二十有一年矣先帝知臣謹慎故臨崩寄臣以大事也受命以來夙夜憂懼恐付託不效以傷先帝之明故五月渡瀘深入不毛今南方已定甲兵已足當獎帥三軍北定中原庶竭駑鈍攘除姦凶興復漢室還於舊都此臣所以報先帝而忠陛下之職分也至於斟酌損益進盡忠言則攸之禱允之任也願陛下託臣以討賊興復之效不效則治臣之罪以告先帝之靈若無興德之言則戮允等以章其慢陛下亦宜自謀以諮諏善道察納雅言深追先帝遺詔臣不勝受恩感激今臺遠離臨表涕泣不知所云

諸葛武侯集

卷一

表

七

後出師表

先帝慮漢賊不兩立王業不偏安故託臣以討賊也以先帝之明量臣之才故知臣伐賊才弱敵彊也然不伐賊王業亦亡惟坐而待亡孰與伐之是故託臣而弗疑也臣受命之日寢不安席食不甘味思惟北征宜先入南故五月渡瀘深入不毛并日而食臣非不自惜也顧王業不可偏安於蜀都故冒危難以奉先帝之遺意也而議者謂爲非計今賊適疲於西又務於東兵法乘勞此進趨之時也謹陳其事如左高帝明並日月謀臣淵深然涉險被創危然後安今陛下未及高帝謀臣不如良平而

欲以長計取勝坐定天下此臣之未解一也劉繇王朗各據州郡論安言計舉引聖人羣疑滿腹衆難塞胸今歲不戰明年不征使孫策坐大遂并江東此臣之未解二也曹操智計殊絕於人其用兵也髣髴孫吳然困於南陽險於烏巢危於祁連偏於黎陽幾敗北山殆死潼關然後僞定一時耳況臣才弱而欲以不危而定之此臣之未解三也曹操五攻昌霸不下四越巢湖不成任用李服而李服圖之委任夏侯而夏侯敗亡先帝每稱操爲能猶有此失況臣鴛下何能必勝此臣之未解四也自臣到漢中中間期年矣然喪趙雲陽羣馬玉閣芝丁立白壽劉郃

諸葛武侯集

卷一

表

八

鄧銅等及曲長屯將七十餘人突將無前賓叟青羌散騎武騎一千餘人此皆數十年之內所糾合四方之精銳非一州之所有若復數年則損三分之二也將何以圖敵此臣之未解五也今民窮兵疲而事不可息事不可息則住與行勞費正等而不及早圖之欲以一州之地與賊持久此臣之未解六也夫難平者事也昔先帝敗軍於楚當此時曹操拊手謂天下已定然後先帝東連吳越西取巴蜀舉兵北征夏侯授首此操之失計而漢事將成也然後吳更違盟關羽毀敗秭歸蹉跌曹丕稱帝凡事如是難可逆料臣鞠躬盡瘁死而後已至於成敗利鈍非臣

之明所能逆觀也

彈李平表

自先帝崩後平所在治家尙爲小惠安身求名無憂國之事臣當北出欲得平兵以鎮漢中平窮難縱橫無有來意而求以五郡爲巴州刺史去年臣欲西征欲令平至督漢中平說司馬懿等開府辟召臣知平鄙情欲因行之際偪臣取利也是以表平子豐督至江州隆崇其遇以取一時之務平至之日都委諸事羣臣上下皆怪臣待平之厚也正以大事未定漢室傾危伐平之短莫若裹之然謂平情在於榮利而已不意平心顛倒乃爾

諸葛武侯集

卷一

表

九

若事稽留將致禍敗是臣不敏言多增咎

彈廖立表

長水校尉廖立坐自貴大臧否羣士公言國家不任賢達而任俗吏又言萬人率者皆小子也誹謗先帝疵毀衆臣人有言國家兵衆簡練部伍分明者立舉頭視屋憤咤作色曰何足言凡如是者不可勝數羊之亂羣猶能爲害況立託在大位中人以下識真僞邪

又

立奉先帝無忠孝之心守長沙則開門就敵領巴郡則有闇昧

闕茸其事隨大將軍則誹謗譏訶侍梓宮則挾刃斷人頭於梓宮之側陛下卽位之後普增職號立隨比爲將軍面語臣曰我何宜在諸將軍中不表我爲卿止當在五校臣答將軍者隨大比耳至於卿者正方亦未爲卿也且宜處五校自是之後怏怏懷恨

臨終遺表

伏念臣賦性拙直遭時艱難興師北伐未獲全功何期病在膏肓命垂旦夕伏願陛下清心寡慾約己愛民達孝道於先君布仁心於寰宇提拔逸隱以進賢良屏黜奸讒以厚風俗臣家成諸葛武侯集卷一表十
都有桑八百株薄田十五頃子孫衣食自有餘饒臣身在外別無調度隨時衣食悉仰於官不別治生以長尺寸臣死之日不使內有餘帛外有盈財以負陛下也

疏

街亭自貶疏

臣以弱才叨竊非據親秉旄鉞以厲三軍不能訓章明法臨事而懼至有街亭違命之闕箕谷不戒之失咎皆在臣授任無方臣明不知人料事多闇春秋責帥臣職是當請自貶三等以督

厥咎

上事疏

臣先遣孟琰據武功水東司馬懿因渭水漲以二十日出騎萬人來攻琰營臣作車橋越水射之賊見橋垂成便引兵退

公文

公文上尙書

平爲大臣受恩過量不思忠報橫造無端危恥不辨迷罔上下論獄棄科導人爲姦情俠志狂若無天地自度姦露嫌心遂生聞軍臨至西嚮託疾還沮漳軍臨至沮復還江陽平參軍狐忠勤諫乃止今篡賊未滅社稷多難國事惟和可以克捷不可包

諸葛武侯集

卷一

疏

一

舍以危大業輒與行中軍師車騎將軍都鄉侯臣劉琰使持節前軍師征西大將軍領涼州刺史南鄭侯臣魏延前將軍都亭侯臣袁綝左將軍領荊州刺史高陽鄉侯臣吳壹督前部右將軍立鄉侯臣高翔督後部後將軍安樂亭侯臣吳班領長史綏軍將軍臣楊儀督左部行中監軍揚武將軍臣鄧芝行前監軍征南將軍臣劉巴行中護軍偏將軍臣費禕行前護軍偏將軍漢成亭侯臣許允行左護軍篤信中郎將臣丁咸行右護軍偏將軍臣劉敏行護軍征南將軍當陽亭侯臣姜維行中典軍討虜將軍臣上官繼行中參軍昭武中郎將臣胡濟行參軍建義

將軍臣閻晏行參軍偏將軍臣襲習行參軍裨將軍臣杜義行
參軍武畧中郎將臣杜祺行參軍綏戎都尉臣盛勃領從事中
郎武畧中郎將臣樊岐等議輒解平任免官祿節傳印綬符策
削其符土

議

正議

昔在項羽起不由德雖處華夏秉帝者之勢卒就湯鑊爲後承
戒魏不審鑿今次之矣免身爲幸刑在子孫而二三子各以耆
艾之齒承僞指而進書有若崇竦稱莽之功亦將偪於元禍苟

諸葛武侯集

卷一

公文

三

免者邪昔世祖之創迹舊基奮羸卒數千摧莽彊旅四十餘萬
於昆陽之郊夫據道討淫不在衆寡及至孟德以其譎勝之力
舉數十萬之師救張郃於陽平勢窮慮悔僅能自脫辱其鋒銳
之衆送喪漢中之地深知神器不可妄獲旋還未至感毒而死
子桓淫逸繼之以篡縱使二子多逞蘇張詭靡之說奉進驩
兜滔天之辭欲以誣毀唐帝諷解禹稷所謂徒喪文藻煩勞翰
墨者矣夫大人君子之所不爲也又軍誠曰萬人必死橫行天
下昔軒轅氏整卒數萬制四方定海內況以數十萬之衆據正
道而臨有罪可得干礙者哉

魏司徒華敬司空王朗並言令陳
羣太史令許芝謁者僕射諸葛璋

各有書與亮陳天命人事欲使舉國稱
藩亮皆不報乃作正議一篇以見志云

絕盟奸議

權有僭逆之心久矣國家所以畧其讎情者求倚角之援也今
若加顯絕讐我必深便當移兵東成與之角力須并其土乃議
中原彼賢才尙多將相輯穆未可一朝定也頓兵相持坐而須
老使北賊得計非策之上者昔孝文卑辭匈奴先帝優與吳盟
皆應權通變宏思遠益非匹夫之爲勇者也今議者咸以權利
在鼎足不能并力且志望已滿無上岸之情推此皆似是而非
也何者其智力不侔故限江自保權之不能越江猶魏賊之不
能渡漢非力有餘而利不取也若大軍致討彼高當分裂其地
以爲後規下當畧民廣境示武於內非端坐者也若就其不動
而睦於我我之北伐無東顧之憂河南之衆不得盡西此之爲
利亦已深矣權僭之罪未宜明也

諡葬甘皇后議

立愛自親始教民孝也立敬自長始教民順也不忘其親所由
生也春秋之義母以子貴昔高皇帝追尊太上昭靈夫人爲昭
靈皇后孝利皇帝改葬其母梁貴人尊號曰恭懷皇后孝愍皇
帝亦改葬其母王夫人尊號曰靈懷皇后今皇思夫人且有尊

諸葛武侯集卷一

議

十一

號以熾寒泉之思輒與恭等案謚法官曰昭烈皇后詩曰毅則異室死則同穴故昭烈皇后宜與大行皇帝合葬臣請太尉告宗廟布露天下具禮儀別奏

教

與羣下教

夫參署者集衆思廣忠益也若遠小嫌難相違覆曠闕損矣違覆而得中猶棄弊躡而獲珠玉然人心苦不能盡惟徐元直處茲不惑又董幼宰參署七年事有不至至於十反來相啓告苟能慕元直之十一幼宰之殷勤有忠於國則亮可少過矣

諸葛武侯集

卷一

議

十一

又

昔初交州平屢聞得失後交元直勤見啟誨前參軍於幼宰每言則盡後從事於偉度數有諫止雖資性鄙暗不能悉納然與此四子終始好合亦足以明其不疑於直言也

勸將士勤攻己闕教

大軍在祁山箕谷皆多於賊而不能破賊爲所破者則此病不在兵少也在一人耳今欲減兵省將明罰思過校變通之道於將來若不能然者雖兵多何益自今以後諸有忠慮於國但勤攻己之闕則事可定賊可死功可躋足而待矣

獎姚仙教

忠益者莫大於進人進人者各務其所尚今姚家並存剛柔以廣文武之用可謂博雅矣願諸掾各希此事以副其望

答蔣琬教

思惟背親捨德以殄百姓衆人既不隱於心實又使遠近不解其義是以君宜顯其功舉以明此選之清重也

元開府辟琬爲不曹掾舉茂才

琬固讓亮答之

作斧教

前後所作斧都不可用前到武都鹿角壞刀斧千餘枚賴賊已

諸葛武侯集卷一教

十五

走間自令作部刀斧百枚用之百餘日初無壞者無意宜收治之非小事也若臨敵敗人軍事矣

作匕首教

作部作匕首五百枚以給騎士

作剛鎧教

敝作部皆作五折剛鎧十折矛以給之

步軍教

若賊騎左右來至徒行以戰者涉嶺不便宜以車蒙陣而待之地狹者以鋸齒而待之

與參軍掾屬教

任重才輕故多闕漏前參軍董幼宰每言無盡數有諫止雖性鄙薄不能悉納幼宰參署七年事有不至至於十反有忠於國如幼宰亮可以少其過矣

稱董厥

公琰托志忠雅當與我共贊王業者也

黜來敏教

董令史良士也吾每與之言思慎宜適

諸葛武侯集

卷一

教

去

將軍來敏對上官顯言新人有何功德而奪我榮資與之邪諸人共憎我何故如是敏年老狂悖生此怨言昔成初定議者以爲來敏亂羣先帝以新定之際故遂含容無所禮用後劉子初選以爲太子家令先帝不悅而不忍拒也今上卽位吾闇於知人遂復擢爲將軍祭酒違議者之審見背先帝所疏外自謂能以敦厲薄俗帥之以義今旣不能表退職使閉門思愆

書

爲法正答或問書

王公在公安北畏曹操之強東憚孫權之偏近則懼孫夫人生

變於肘腋當斯之時進退狠跋法孝直爲之輔翼令翻然剝翦不可復制如何禁止孝直使不得行其意邪

答關雲長書

孟起兼資文武雄烈過人一世之傑隸彭之徒當與翼德並驅

爭先濟未及髻之絕倫逸羣也

羽聞馬超來降本非故舊作書與亮問超人才可誰比亮知其

意爲答此書羽大悅

與杜微書

服聞德行饑渴歷時清濁異流無緣咨覲王元泰李伯仁王文

儀楊季休丁君幹李永南兄弟文仲寶等每歎高志未見如舊

諸葛武侯集

卷一

書

十七

猥以空虛統領貴州德薄任重慘慘憂慮朝廷主公今年始十

八天資仁敏愛德下士天下之人思慕漢室欲與君因天順民

輔此明主以隆季興之功著勳於竹帛也以謂賢愚不相爲謀

故自割絕守勞而已不圖自屈也

微先爲劉璋從事以疾去官先主定蜀微稱聾閉門不出

亮領益州牧選用皆妙簡舊德以微爲主簿微固辭舉而致之亮以微不聞人語於坐上與書

答杜微書

曹丕篡弒自立爲帝是猶土龍芻狗之有名也欲與羣賢因其

邪僞以正道滅之怪君未有相誨便欲求還於山野不又大興

勞役以向吳楚今因不多務且以閉境勸農育養民物並治甲

兵以待其挫然後伐之可使兵不戰民不勞而天下定也君但當以德輔時耳不責君軍事何爲汲汲欲求去乎微自乞老病求歸亮又與書答之拜諫議大夫以從其志

答李恢書

行當離別以爲惆悵今致糶餼一以達心也

與劉巴書

劉公雄才蓋世據有荆土莫不歸德天人去就已可知矣足下欲何之

又與劉巴論張飛書

諸葛武侯集

卷一

書

大

張飛雖實武人敬慕足下至公方今收合文武以定大事足下雖天素高亮宜少降意也

答李嚴書

昔與足下相知久矣可不復相解足下方誨以光國戒之以勿拘之道是以未得默已昔本東方下士誤用於先帝位極人臣祿賜百億今討賊未效知已未答而方寵齊晉坐自貴大非其義也若滅魏斬獻帝還故居與諸子並升雖十命可受況於九邪嚴與亮書勸亮宜受九錫進爵稱王亮答之

又

吾受賜八十斛今蓄財無餘妾無副服

與張裔書

君昔在陌下營壞吾之用心食不知味後流徙南海相為悲歎
寢不安席及其來還委付大任同獎王室自以為與君古之石
交也石交之道舉讐以相益割骨肉以相明猶不相謝也况吾
但委意於元儉而君不能忍邪亮北在漢中欲用裔為留府長史問湯洪對曰裔天姿明察性
以不公平恐不可專任不如留向初裔子為洪吏微過受罰裔
裔與司鹽校尉岑述不和至於忿
恨亮與裔書論者由是明洪無私

又與張裔書

諸葛武侯集卷一

書

疏

去婦不顧門妾非不入園以婦人之性草萊之情猶有所恥想
忠壯者意何所之

與張裔蔣琬書

姜伯約忠勤時事思慮精密考其所有永南季常諸人不如也
其人涼州上士也時亮辟姜維為倉曹掾加奉義將軍

又

須先教中虎步兵五六千人姜伯約甚敏於軍事既有膽義深
解兵意此人心存漢室而才兼於人畢教軍事當遣詣宮觀見

至

又

令史失賴方掾屬喪楊顛為朝中損益多矣

與張魯書

靈仙養命猶節松霞而享身嗜味奚能尙道

與蔣琬董允書

孝起前臨至吳為吾說正方腹中有鱗甲鄉黨以為不可近吾

以為鱗甲但不當犯之耳不圖復有蘇張之事出於不意可使

孝起知之

孝起陳震字

與孟達論李嚴書

諸葛武侯集

卷一

書

子

部分如流越捨罔滯正方性也

答法正書

君知其一未知其二秦以亡道政苛民怨匹夫大呼天下土崩

高祖因之可以宏濟劉璋闇弱自焉以來有累世之恩文法羈

縻互相承奉德政不舉威刑不肅蜀土人士專權自恣君臣之

道漸以陵替寵之以位位極則賤順之以恩恩竭則慢所以致

弊實由於此吾今威之以法法行則知恩限之以爵爵加則知

榮榮恩並濟上下有節為治之要於斯而著矣

亮刑法峻急法正諫曰昔高祖

入關約法三章秦民知德今君假借威力跨據一州初有其國
宋我惠撫且容王之義宜相降下願緩刑弛禁以慰其望故答

以書云

上先帝書

亮夜算太乙數今年歲次癸巳罡星在西方又觀乾象太白臨於雒城之分主於將帥多凶少吉切宜謹慎

與先帝論黃忠書

忠之名望素非關馬之倫也而今便令同列馬張在近親見其

功尚可論指關遙聞之恐必不悅得毋不可乎按蜀志黃忠字漢升南陽人毅

勇冠三軍宿州既定拜為討虜將軍於漢中定軍山破斬夏侯淵先帝欲用忠為後將軍而以關某為前將軍故亮諫云云先

帝曰吾當自解之遂與關等齊位賜爵關內侯

諸葛武侯集

卷一書

三

與先帝論薦劉巴書

運籌策於帷幄之中吾不如子初遠矣若提枹鼓會軍門使百

姓喜勇當與人議之耳

與先帝稱許靖書

靖人望不可失也借其名以竦動宇內按蜀志許靖字文休汝南平輿人為劉璋蜀郡

太守先帝圍成都靖欲踰城出降先帝薄之定蜀後益無意於靖故亮諫云云

與先帝論蔣琬書

蔣琬社稷之器非百里之才也其為政以安民為本不以修飾

為先願主公重加察之

與孫權論龐統廖立書

龐統廖立楚之良才當贊興世業者也

定南中答或問書

畱外人則當畱兵兵畱則無所食一不易也加夷新傷破父兄死喪畱外人而無兵者必成禍患二不易也又夷屢有廢殺之罪自嫌釁重若畱外人終不相信三不易也今吾欲使不畱兵不運糧而紀綱粗定夷漢粗安故耳

答蔣琬論斬馬謖書

孫武所以能制勝於天下者用法明也是以揚干亂法魏絳戮

諸葛武侯集

卷一

書

三

其僕今四海分裂兵交方始若復廢法何用討賊耶

與參佐論停更書

夫統武行師以大信爲本得原失信古人所惜去者束裝以待期妻子鶴望而計日雖臨征難義所不廢

謝賀者書

晉天之下莫非漢民國家威力未舉使百姓困於豺狼之吻一夫有死皆亮之罪以此相賀能不爲愧

答姜維書

魏本無戰情所以固請戰者以示武於其眾耳將在外君命有

所不受苟能制吾豈千里而請戰耶

與步騭書

僕前軍在五丈原原在武功西十里馬塚在武功東十餘里有高勢攻之不便是以留耳

與李豐書

吾與君父子戮力以獎漢室此神明所聞非但人知之也表都護典漢中委君於東關者不與人議也謂至心感動終始可保何圖中乖乎昔楚卿屢詛亦乃克復思道則福應自然之數也願寬慰都護勤追前闕今雖解任形業失故奴婢賓客百數十

諸葛武侯集

卷一

三三

人君以中郎參軍居府方之氣類猶為上家若都護思負一意君與公琰推心從事者否可復通逝可復還也詳思斯戒明吾用心臨書長歎涕泣而已初亮以李嚴子豐為江州都督命嚴以中都護署府事嚴改名平亮軍祁山平催督運事值天霖雨運糧不繼呼亮來還軍退乃更陽驚軍糧饒足何以使歸又表後主說軍許退欲以誘賊亮出其前後書疏表饜為民又教與平子豐後聞亮卒發病死平常冀亮當自盡復策後人不能故以激憤也

與孟達書

往年南征未幾孟達與李鴻會於漢陽承知消息慨然永歎

可以存下記名榮貴為乖離乎嗚呼孟子斯

之義又焉道王冲造作虛語

云足下量度吾心不受苛說尋表明之言追平生之好依依東

望故遣有書達與劉琦不和叛歸魏為新城太守亮南行歸至漢陽縣降人李鴻請亮言孟達許適見王冲從南

來言往者達之去就明公切齒欲誅達妻子熲先主不聽耳達

盡不信冲言委仰名公無復已已亮將北伐欲誘達為外援乃

與達書達得書數相交通達叛魏魏遣河馬懿征之即斬達

與陸遜書

家兄年老而恪性疏今使點主糧穀糧穀軍之要最僕雖在遠

竊用不安足下特為啓至尊轉之恪為亮兄理之子孫權置節度古軍糧將用恪亮與

遜書遜以白權即轉恪領兵

與孫權書

諸葛武侯集卷一書

漢室不幸王綱失紀曹賊篡逆蔓延及今皆思剿滅未遂同盟

亮受昭烈皇帝寄託之重敢不竭力盡忠今大兵已會於祁山

狂寇將亡於渭水伏望執事以同盟之義命將北征共靖中原

同匡漢室書不盡言萬希昭答

又與孫權書

所送白牒薄少重見辭謝益以增愧

與兄瑾書

兄嫌白帝兵非精練到所督則先至帳下白牒西方上兵也嫌也當復部分江州兵以廣益之

又

前趙子龍退軍燒壞赤岸以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可疆也

又

頃大水暴出赤岸以南橋閣悉壞時趙子龍與鄧伯苗一成赤岸屯田一成赤岸口但得緣岸與伯苗相聞而已

又

有綏陽小谷雖山崖絕重谿水縱橫難用行軍者選候往來要

諸葛武侯集

卷一

書

五

道通人今使前軍斫治此道以向陳倉足以攀連賊勢使不得分兵東行者也

又

孝起忠純之性老而益篤及其贊述東西歡樂和合有可貴者

震爲衛尉人吳賀孫
權踐祚亮與瑾書

又

既受東朝厚遇依依於子弟又子喬良器爲之測愴見其所與

亮器物感用流涕

孫松字子喬權弟子爲
射聲校尉卒亮與瑾書

又

殷徃嗣秀才今之僑胥者也

殷禮字徃嗣吳郡雲陽人通占候張溫與入蜀亮見歎曰東吳菰蘆

中乃有奇偉如此人與瑾書

又

喬本當還成都今諸將子弟皆得傳運思惟宜同榮辱今使喬

督五六百兵與諸子弟傳於谷中

喬字伯松亮兄瑾之子亮先未有子求喬為嗣拜駙馬都尉

尉

又

瞻今已八歲聰慧可愛嫌其早成恐不為重器耳

亮子瞻字思遠建興中亮

出武功與瑾書瞻後為衛將軍赴鄧艾戰死

諸葛武侯集

卷一

書

十六

誠子書

夫君子之行靜以修身儉以養德非澹泊無以明志非甯靜無以致遠夫學欲靜也才欲學也非學無以廣才非靜無以成學恬慢則不能研精險躁則不能理性年與時馳意其日去遂成枯落多不接世悲守窮廬將復何及

又

夫酒之設合禮致情適體歸性禮終而退此和之至也注意未殫賓有餘倦可以至醉無致於亂

誠外甥書

夫志當存高遠慕先賢絕情欲棄凝滯使庶幾之志揭然有所存惻然有所感忍屈伸去細碎廣容間除嫌吝雖有淹留何損於美趣何患於不濟若志不彊毅意不慷慨徒碌碌滯於俗默默束於情永竄伏於凡庸不免於下流矣

帖跋

遠涉帖

師徒遠涉道路甚艱自及褻斜幸皆無恙使還馳此不復具

南郵跋

朝發南鄭暮宿黑水四十五里

諸葛武侯集

卷一

帖跋

七

記

黃陵廟記

僕躬耕南陽之畝遂蒙劉氏顧草廬勢不可却計事善之於是情好日密相拉總帥趨蜀道履黃牛因覩江山之勝亂石排空驚濤拍岸歛巨石於江中崔嵬噴舳列作三峰平治泮水順遵其道非神扶助於禹人力奚能致此耶僕縱步環覽乃見江左大山壁立林麓峰巒如畫熟視於大江重復石壁間有神像隱現焉鬚髮鬚眉冠裳宛然如彩畫者前豎一旌旗右駐一黃犢猶有董工開導之勢古傳所載黃龍助禹開江治水九載而功

成信不誣也惜乎廟貌廢去使人太息神有補助禹開江不事
鑿斧順濟舟航富廟食茲土僕復而興之再建其廟號目之曰
黃牛廟以顯神功

銘

司馬季主碑銘

玄漠太寂混合陰陽天地交泮萬品滋彰先生理著分別剛柔
鬼神以觀六度顯明

論

論交

諸葛武侯集

卷一

記

銘

五八

勢利之交難以經遠士之相知溫不增華寒不改葉貫四時而
不衰愿夷險而益固

論治

治世以大德不以小惠故匡衡吳漢不願為赦先帝亦言吾周
旋陳元方鄧康成間每見啓告治亂之道悉矣曾不諳赦也若
劉景升季玉父子歲歲赦宥何益於治

令

軍令

敵以來進持鹿角兵悉却連衝後敵已附鹿角裏兵但得進踞

以矛戟刺之不得此住起住妨弩壞

字無又

連衝之陣以狹而原令騎不得與相離遠

中又

始出營堅矛戟舒旛旗鳴鼓角三里辟矛戟結旛旗且鼓角未
至營三里復堅矛戟舒旛旗鳴鼓角復結旛旗鳴鼓角違令者

髡

兵軍要誠

枝葉疆大比居同勢各結朋黨競進檢人有此不去是謂敗徵

諸葛武侯集

卷一

論令

无

說

說孫權於柴桑

海內大亂將軍起兵據有江東劉豫州亦收衆漢南與曹操共
爭天下今操芟夷大難略已平矣遂破荊州威震四海英雄無
所用武故豫州遁逃至此將軍量力而處之若能以吳越之衆
與中國抗衡不如早與之絕若不能當何不案兵束甲北面而
事之今將軍外託服從之名而內懷猶豫之計事急而不斷禍
至無日矣權曰苟如君言劉豫州何不遂事之乎亮曰田橫齊
之壯士耳猶守義不辱况劉豫州王室之胄英才蓋世衆士仰

若水之歸海事之不濟此乃天也安能復爲之下乎權勃然曰吾不能舉全吳之地十萬之衆受制於人吾計決矣非劉琦州莫可以當曹操者然豫州新敗之後安能抗此難乎亮曰豫州軍雖敗於長坂今戰士還者及關羽水軍精甲萬人劉琦合江夏戰士亦不下萬人曹操之衆遠來疲敝聞追豫州一日一夜三百餘里此所謂強弩之末勢不能穿魯縞也故兵法忌之曰必蹶上將且北方之人不習水戰又荊州之民附操者逼兵勢耳非心服也將軍誠能命猛將統兵數萬與豫州協規同力破操軍必矣操軍破必北還如此則荆吳之勢強鼎足之形成

諸葛武侯集

卷一

說

三

成敗之機在於今日權大悅卽遣周瑜程普魯肅等水軍三萬隨亮詣左將軍併力拒操

寓言

我心如秤不能爲人作輕重

又

昔孫叔敖乘馬三年不知牝牡稱其賢也

心書

兵權

夫兵權者是三軍之司命主將之威勢將能執兵之權操兵之

勢而羸羣下譬如猛虎加之羽翼而翱翔四海隨所遇而施之若將失權不操其勢亦如魚龍脫於江湖欲求游洋之勢奔濤歲浪何可得也

逐惡

夫軍國之弊有五害焉一曰結黨相連毀譖賢良二曰侈其衣服異其冠帶三曰虛誇妖術詭言神道四曰專察是非私以動眾五曰伺候得失陰結敵人此所謂姦偽悖德之人可遠而不可親也

知人性

諸葛武侯集

卷一

心書

三十一

夫知人之性最難察焉美惡既殊情貌不一有溫良而爲詐者有外恭而內欺者有外勇而內怯者有盡力而不忠者然知人之道有七焉一曰問之以是非而觀其志二曰窮之以辭辨而觀其變三曰咨之以計謀而觀其識四曰告之以禍難而觀其勇五曰醉之以酒而觀其性六曰臨之以利而觀其廉七曰期之以事而觀其信

將材

夫將材有八道之以德齊之以禮而知其饑寒悉其勞苦此之謂仁將臨事無苟免不爲利撓有死而榮無生以辱此之謂義

將貴而不驕勝而不恃賢而能下剛而能忍此之謂禮將奇變
不息動應有端轉禍爲福因危而勝此之謂智將進有厚賞退
有嚴刑賞不逾時刑不擇貴此之謂信將足輕戎馬氣蓋千夫
善用短兵長於劍戟此之謂步將登高懸險馳射若飛進則先
行退則後殿此之謂騎將氣高三軍志輕強虜怯於小戰勇於
大敵此之謂猛將見賢若不及從諫如順流寬而能剛簡而能
詳此之謂大將

將器

夫將之器大小不同若乃察其奸伺其禍爲衆心所服此十夫

諸葛武侯集

卷一

心書

三二

之將夙興夜寐言詞密察此百夫之將直而有慮勇而能鬪此
千夫之將外貌茫茫中心烈烈知人艱難悉人饑飽此萬夫之
將誠信寬大閑於理亂隱隱紛紛隣國皆服上知天文下察地
理中悉人事四海之內親如室家此天下雄將不可敵也

將弊

七爲將之道有八弊焉一曰貪求無厭二曰嫉賢妬能三曰信
邪佞四曰料彼不自料五曰猶豫不自決六曰荒淫於酒色
七曰奸不忌於法令八曰狡言不以禮格也

將惑

兵者凶器將者凶任是以諸剛則飲任重則危故善將者不
強不怙勢寵之不喜辱之不懼見利不貪美色不淫以身殉國
壹意而已

將善

夫將有五善四欲五善者謂善知敵之形勢善知進退之道善
知國之虛實善知天時人事善知山川夷險四欲者戰欲奇謀
欲密衆欲靜心欲一

將剛

善將者至剛不可折至柔不可卷故以弱制強以柔制剛純柔

諸葛武侯集

卷一

心書

三三

純弱其勢必削純剛純強其勢必亡不柔不剛合常之道

將驕

將驕則失禮失禮則人離人離則必叛將不可恡恡則賞罰不
行賞罰不行則士不致命士不致命則軍無功無功則國虛國
虛則寇實孔子曰如有周公之才之美使驕且恡其餘不足觀
也已

將德

將有五德高節可以勵俗孝悌可以揚名信義可以交友汎愛
可以容衆力行可以立功此將之五德又將有八惡謀不能料

是非禮不能任賢良政不能正刑法富不能濟貧乏智不能備
未形慮不能防微密達不能舉所知敗不能無毀謗此之謂八
惡

出師

古者國有難君簡賢而任之齋三日入太廟面南立將北面大
師進斧鉞於君君持斧鉞以柄授於將曰闔外將軍裁之復命
曰見其虛則進見其實則止勿以身貴而賤人勿以獨見而違
衆勿以巧佞而爲忠信士未坐勿坐士未食勿食同寒暑等勞
逸齊甘苦共安樂如此則士必盡命敵必可亡將受詞鑿凶門
諸葛武侯集卷一 心書 一十四

引軍而出君送之跪而推轂曰進退無時軍中之事不聞其命
皆由將出此則無天於上無地於下無敵於前無主於後是以
智者爲之慮勇者爲之鬪故戰勝於外立功於內揚名於後代
福延及子孫矣

擇材

夫師之行也有好鬪而樂戰取強敵者聚爲一徒名曰冒陣之
士有氣蓋三軍材力敢鬪者聚爲一徒名曰突陣之士有足輕
善走如奔馬者聚爲一徒名曰搴旗之士有善騎射若飛發無
不中者聚爲一徒名曰爭鋒之士有射必中中必死者聚爲一

徒名曰飛馳之上有善發強弩遠而必中者聚爲一徒名曰摧鋒之士此推軍六善各因其能而用之也

智用

夫爲將之道必順天因時依人以立勝也故天作時不作而人作謂之逆時時作天不作而人作謂之逆天天作時作而人不作謂之逆人智者不逆天不逆時不逆人也

不陣

古之善理者不師善師者不陣善陣者不戰善戰者不敗善敗者不亡昔者聖人之治理也安其居樂其業至老不相攻伐可

諸葛武侯集

卷一

心書

三五

謂善理者不師也若舜修典刑咎繇作士人不犯令刑無所施可謂善師者不陣若禹伐有苗舜舞干羽而苗民服可謂善陣者不戰若湯武誓師一戎衣而天下大定可謂善戰者不敗若楚昭王遭闔閭之伐而身奔卒能返其國可謂善敗者不亡也

將誠

書曰狎侮君子罔以盡人心狎侮小人罔以盡人力行兵之要務攬英雄之心嚴賞罰之科總文武之道兼剛柔之術閱禮樂之說先德而後勇靜若潛魚動若奔獮敗其所連折其所強耀以旌旗威以金鼓退若山移進如風雨擊若崩崖合戰如虎追

而容之利以誘之亂而取之卑而驕之親而離之強而弱之有危者安之有懼者悅之有叛者懷之有寃者伸之有強者抑之有弱者升之有謀者親之有讒者覆之有獲財者與之不倍兵以攻弱不恃力以輕敵不做才以驕人不固寵以作威先計而後動知勝而後戰得其玉帛不自寶得其子女不自使如此發號施令而人願鬪兵合外接而人樂死矣

戎備

夫國之大務莫先於戎事備若乃失之毫釐差之千里殺軍覆將勢不踰息可不懼哉故國有難君臣肝食而謀之若乃居安

諸葛武侯集

卷一

心書

三十六

而不思危寇至而不知懼此謂燕巢於幕魚遊於鼎亡不待夕矣傳曰不備不虞不可以師又曰國無小有備故也又曰豫備無虞善政之道又曰蠶叢有毒况於國乎無備雖衆不可恃也書曰惟事事乃其有備有備無患故三軍之行不可不備也

習練

夫卒不習練百不當一習而用之一以當百故仲尼曰不教而戰是謂棄之又曰善入教民七年亦可以卽戎矣士不可不教先訓之以禮義誨之以忠信誠之以典刑威之以賞罰人知其勸矣然後習之或陣而分之坐而起之行而止之前而卻之別

而合之散而聚之一人教十人十人教百人百人教千人千人教萬人以成三軍如此練習之敵必敗矣

軍蠹

夫三軍之行有探候不謹烽火失度後期犯令不應時機阻師亂徒乍却乍前不合金鼓上不恤下削歛無厭營私狗己不恤饑寒非言矯詞妄陳禍福喧雜驚亂或將吏勇不受制專而陵上虛竭軍庫以給身此九者三軍之蠹有之必敗也

腹心

夫爲將者必有腹心必有耳目必有爪牙無腹心如人夜行無

諸葛武侯集

卷一

心書

三七

耳目如冥然而居無爪牙如饑人食毒物無不死矣故善將者必有博聞多智者爲腹心沉審謹密者爲耳目敢勇善敵者爲爪牙

謹候

夫敗軍喪師未有不因欺敵而致禍也故師出以律失律則凶律道有十五焉一曰慮闇諜明也二曰詰諄候謹也三曰勇敢衆不撓也四曰廉見利思義也五曰平賞罰均也六曰忍善含恥也七曰寬能容衆也八曰信重然諾也九曰謹禮賢能也十曰明不納讒也十一曰敬不遺舊也十二曰仁養士卒也十三

曰忠以身殉國也十四曰分知止足也十五日試曰試而後料
彼也

機形

夫以愚克智逆也以智克愚順也以智克智機也機道有三焉
一日事二日勢三日情事機作而不能應非智也勢機動而不
能圖非賢也情機發而不能行非勇也善為將者必因機以守
勝也

軍刑

吳起曰鼓聲金鐸所以威耳旌旄旗幟所以威目禁令刑罰所

諸葛武侯集卷一

心書

美

以威心耳威以聲不可不清目威以容不可不明心威以刑不
可不嚴此三者不善害可待也故曰將之所麾莫不必移將之
所指莫不必至將之所期莫不必死也

善將

古之善將者有大經示之以進退而人知禁陳之以德義而人
知禮重之以是非而人知勸令之以賞罰而人知信禁禮勸信
師之大經也故能戰必勝敵必取也庸將不能退而不能止進
而不能禁善惡混同士不識勤賞罰不均人不知信故賢良退
伏而諂頑進用是以戰必敗散也

審因

夫因人之勢以伐惡則黃帝不能與爭威矣因人之力以決勝則湯武不能與爭功矣若能審因而加之威勝則萬夫之雄將可圖四海之英豪受制矣

兵勢

夫行兵之勢有三焉一曰天二曰地三曰人天勢者日月清明五星合度彗孛不生風氣調順地勢者城峻重崖洪波千里石門幽洞羊腸曲沃人勢者主聖將賢三軍由禮士卒用命糧甲堅備善將者因天之時就地之勢依人之利則所向者無敵所

諸葛武侯集

卷一

心書

三九

擊者萬全矣

勝敗

賢材居上士卒處下人安其業是以無敵三軍悅樂士卒畏懼相陣以勇鬪相堅以威戒相勸以刑賞此必勝之道也士卒惰慢三軍數驚下無禮信人不忌法相恐以敵相語以利相屬以禍福相惑以妖言此必敗之道也

假權

夫將者人命之所懸也成敗之所繫也禍福之所倚也而上不假之以賞罰亦猶束猿猱之手而責之以騰捷膠離婁之目而

使之辨青黃不可得也若賞移在權臣罰不由主將人苟自利誰懷鬪心雖伊呂之謀韓白之功而不能自衛也故孫武曰將之出君命有所不受周亞夫曰軍中聞將軍之命不聞有天子之詔

哀死

古之善將者養人如養己子有難則以身先之有功則以身後之死者哀而葬之傷者泣而撫之饑者捨食而食之寒者解衣而衣之智者禮而祿之勇者賞而勸之將能若此所向必捷矣

三賓

諸葛武侯集

卷一

心書

四十

三軍之行也必有賓客詳議得失以資將用有詞若懸流奇謀不測博聞廣見多藝多才此萬夫之望可引爲上賓有猛如熊虎捷若騰猿剛如鐵石利若龍泉此一時之雄可引爲中賓有多言或中薄技小才此常人之能可引爲下賓

後應

若乃圖難於易爲大於小先用賞後用刑此用兵之妙也師徒已列戎騎交馳強弩亂撓短兵又接敷陳威信敵人告降此用兵之能也身衝矢石爭戰一時成敗各分彼傷我死此用兵之下也

便利

夫草木叢穢利以遊逸重塞山林利以不意晴明無隱利以勇力隘途深草利以潛伏以少擊衆利以日暮以衆擊寡利以清晨強弩長兵利以捷次踰淵隔水大風暗昧利以搏前擒後

應機

大必勝之術合變之利在於機也非智者孰能與於此乎見機之道莫大於不意猶虎失險童子曳戟而追之蠶蠱入袖壯夫恟惶而失色故出其不意圖變實虛也

揣能

諸葛武侯集

卷一

心書

四一

古之善用兵者先揣其能而斷其勝負至孰望也將孰賢也吏孰能也糧孰豐也士卒孰練也軍器孰整也戎馬孰逸也形勢孰險也賓客孰智也財貨孰實也百姓孰安也觀此強弱之形可以決矣

輕戰

螫蟲之觸負其毒也戰士能勇恃其備也所以鋒銳甲堅則人輕戰故甲不堅密與肉袒同弩不及遠與短兵同射不能中與無矢同中不能入與無鏃同探候不謹與無目同將帥不勇與

無將同

地勢

夫地勢者兵之助也不知戰地而勝者未之有也山林積石邱阜大川此步兵之地土高山狹草蔓相屬此車騎之地蘆葦相參樹木交映此鎗鋒之地依山附澗高林深谷此弓弩之地草淺土平可前可後此長戟之地也

情勢

夫將有勇而輕死者有急而心速者有貪而喜利者有仁而不忍者有智而心怯者有謀而情緩者是故勇而輕死者可暴也急而心速者可久也貪而喜利者可遺也仁而不忍者可勞也

諸葛武侯集

卷一

心書

四十一

智而心怯者可窘也謀而情緩者可襲也

擊勢

古之善將者先探敵情然後圖之師老糧絕百姓怨生人多疾疫計不先設器械不修卒不練習外救不至途遠日暮士卒勞倦將薄吏輕懈不設備進不暇陣陣而未定行波涉水半山隱藏踰津越河旌旗散亂將士相違戰勝而驕行陣失列兵疲而驚大軍雖給而眾未食自行自止或前或卻擊之無疑上度下惠信賞必罰陳功就列用賢授能師恭而禮甲兵堅利四隣之大歸於版圖糧備有餘政教不虛敵人有此引而避之

整師

夫出軍行師以整爲勝若賞罰不明法令不信金之不止鼓之不進雖百萬之師無益於用所謂整者居則有禮動則有威進不可當退不可逼前後應節左右應旄與之安不與之危其衆可合而不可離可用而不可疲也

勵士

夫用人之道尊之以爵贍之以財則士無不奮矣接之以禮勵之以信則士無不死矣畜恩不倦法若畫一則士無不服矣先之以身後之以人則士無不勇矣小善必錄小功必賞則士無不勸矣

諸葛武侯集

卷一

心書

三

自勉

夫聖人則天賢人法地智者循古驕者毀至慢者禍及多語者寡信自養者少恩賞無功者離罰無罪者怨怒不常者滅

戰道

林戰之道晝廣旌旗夜張火鼓利用短兵巧在設伏或攻於前或發於後叢戰之道利用劍楯將欲圖之先度其路十里一場五里一墩偃戢旌旗持嚴金鼓令敵人無所措手足谷戰之道巧於設伏利在勇鬪輕足之士凌其高必死之士殿其後列強

弩以衝之持短兵以繼之彼不得討我不得往水戰之道利在舟楫簡習士卒以乘之多張旗幟以惑之發強弩以冲之持短兵以捍之設堅柵以衛之順其流以擊之夜戰之道利在機密或潛師啣枚以衝之出其不意或多將以鼓以亂其耳目馳而攻之勝矣

和人

夫用兵之道要在和人人和則不勦而自戰矣若吏卒相猜士或不附忠謀不納羣小謗議讒慝互生雖有湯武之智而不能取勝於匹夫况衆人乎故傳曰兵猶火也不戢將自焚

諸葛武侯集

卷一

心書

四四

察情

夫兵起有情近而靜者恃其險也迫而挑戰者欲人之進也衆樹動者車來也塵卑而厲者徒來也辭強而進驅者退也半進而半退者誘也杖而行者饑也見利而不進者勞也鳥集者虛也夜呼者恐也軍擾者將不重也旌旗動者兵亂也吏怒者倦也數賞者窘也數罰者困也先暴而後畏其衆者不靜之至也來委謝者欲休息也幣重而言甘者誘我也

將情

夫爲將之道軍井未汲將不言渴軍米未炊將不言飢軍火未

燃將不言寒軍幕未施將不言困夏不操扇冬不服裘雨不張蓋與衆同也

威令

夫一人威貌而萬人束肩斂息重足俯聽莫敢仰視者法制使然也若乃上無刑罰下無禮義雖貴有天下富有四海而不能自免者桀紂之類是也夫以兵之權制之以法令威之以賞罰而人不能逆其命者孫武穰苴之類是也故令不可輕勢不可逆

東夷

諸葛武侯集

卷一

心書

四五

東夷之性薄識禮義悍急能鬪依山塹海憑險自固若君臣和睦黎民安喜不可圖也上亂下離則可以行間間起隙生則修德以來之因其人而擊之其勢必克也

西戎

西戎多種性剛昧依城着野出良馬多金寶而利於鬪故難敗此可以惑詐取不可以言議服自積石以西諸戎稍敷仁信地廣形險自負強狠人多不臣當候之以外隙伺之以內亂則鬪之可圖矣

南蠻

南蠻多種性不師教連合朋黨失意則叛居洞依山或聚或散以西多馬其海出奇貨故人貪而勇戰春夏多瘴疫利在疾鬪不可久師也

北狄

北狄居無城郭隨逐水草勢利則南侵勢失乃自引去長山廣積足以自衛饑則捕獸飲乳寒則寢皮服裘奔走馳獵以殺爲務未可以道德綏之未可以兵革服之漢不與戰其畧有三漢軍且耕且戰故疲而怯虜騎且牧且獵則逸而勇以疲敵逸以怯敵勇此不可戰一也漢長於步日馳百里虜長於騎日乃倍

諸葛武侯集

卷一

心書

單六

之漢逐虜則運糧負甲而隨之虜逐漢則驅疾騎而運之運負之勢已殊走逐之形不等此不可戰二也漢戰多步虜戰多騎爭地之形勢則騎與步遲疾勢懸此不可戰三也其莫若守邊揀良將而任之訓銳士而禦之廣營田而實之設烽堠而待之多方策以悞之乘間隙以擊之則國不費而寇可克矣人不疲而虜已靜矣

諸葛武侯集卷二

綱目

劉備見諸葛亮於隆中

曹操東下孫權遣周瑜魯肅等與劉備迎擊於赤壁大破之操

引還

劉備徇荊州江南諸郡降之

孫權表劉備領荊州牧

諸葛武侯集

卷二

綱目

劉備入成都自領益州牧以諸葛亮爲軍師將軍

劉備孫權分荊州

劉備遣兵擊巴賓破之

劉備進兵漢中

劉備擊夏侯淵破斬之

魏王操出斜谷劉備將趙雲擊其軍敗之操引還備遂取漢中

劉備自立爲漢中王

昭烈皇帝章武元年

漢中王卽皇帝位

立崇廟於祭高皇帝以下

立夫人吳氏爲皇后子禪爲皇太子

吳人來聘遣大中大夫宗璋報之

後主建興元年

帝崩於永安丞相亮受遺詔輔政太子禪卽位尊皇后曰皇太

后封亮爲武鄉侯領益州牧

立皇后張氏

丞相亮南征

丞相亮討雍闓斬之遂平四郡

諸葛武侯集

卷二 綱目

丞相亮率諸軍出屯漢中以圖中原

丞相亮伐魏戰於街亭敗績詔貶亮右將軍行丞相事

右將軍亮伐魏圍陳倉不克而還斬其追將王雙

右將軍亮伐魏拔武都陰平復拜丞相

遣衛尉陳震使吳及吳主權盟

築漢樂二城

魏寇漢中丞相亮出次成固魏師還

丞相亮以蔣琬爲長史

丞相亮伐魏圍祁山

亮敗魏司馬懿於鹵城殺其將張郃

丞相亮伐魏

丞相亮進軍渭南魏大將軍司馬懿引兵拒守亮始分兵屯田丞相武鄉侯諸葛亮卒於軍長史楊儀引軍還

語錄

晉李玄盛寫諸葛孔明訓誡以勗諸子曰尋其終始周孔之教盡在中矣

文中子曰諸葛孔明無死禮樂其有興乎

程子曰孔明有王佐之心○又曰諸葛武侯有儒者氣象○又

諸葛武侯集

卷二

語錄

三

曰孔明庶幾禮樂○又曰臣賢於君則輔君以所不能伊尹之於太甲周公之於成王孔明之於劉禪是也臣不及君則贊助之而已○又曰人臣身居大位功蓋天下而民懷之則危疑之地也必也誠積於中動不違理威福不自己出人惟知君而已然後位極而無逼上之嫌勢重而無專權之過斯可謂明哲君子矣周公孔明其人也郭子儀有再造社稷之功威震人主而不上疑也亦其次歟

朱子曰諸葛武侯嘗言治世以大德不以小惠而其治蜀也官府次舍橋梁道路莫不繕理而民不告勞是亦庶乎先王之政

矣○問陸宣公比諸葛武侯何如曰武侯氣象較入恐宣公不及○問諸葛武侯甯靜致遠之說曰靜便養得根本深固自可致遠○孔明擇婦正得醜女奉身調度人所不堪彼其正大之氣經綸之蘊固已得於天資然竊意其志慮之所以日精明威望之所以日隆重者則寡欲養心之助爲多○三代以下以義爲之只有個諸葛孔明若魏鄭公全只是利

西山真氏曰或言孔明不當勸先主取荆蓋愚謂荆蓋漢之荆蓋也漢不能有而二人據之先主漢之胄也取之以興漢其名義豈不甚正乎○古今事業未嘗無所本諸葛武侯生平所立

諸葛武侯集

卷二

語錄

四

事業奇偉然求其所以則開誠布公集思廣益而已若此四者乃武侯事業之本而誠之與公又其本也○武侯於廖立李平素所推許使其未死必不終棄此二人所以痛恨至於殞命也魯齋許氏曰不問利害只求義理孔明見得真當時只有復漢討賊爲當然至於成敗利鈍非臣之明所能逆視歸之於天而已只得如此做便是聖賢之心常人則必計其成敗利害也陽節潘氏榮曰諸葛亮輔漢於蜀狄仁傑反周爲唐其心一也○又曰鞠躬盡瘁死而後已亮之所以如龍也○又曰丞相出

卧討賊明大義也

胡文定公曰人須是一切世味淡薄方好不要有富貴相孟子謂堂高數仞食前方丈侍妾數百人我得志不爲學者須先除去此等管自激昂便不到得墜墮常愛諸葛孔明當漢末躬耕南陽不求聞達後來雖應劉先主之聘宰割山河三分天下身都將相手握重兵亦何求不得何欲不遂乃與後主言成都有桑八百株薄田十五頃子孫衣食自有餘饒臣身在外別無調度不別治生以長尺寸若死之日不使廩有餘粟庫有餘財以負陛下及卒果如其言如此輩人真可謂大丈夫矣

晉司空張華問孔明言教何碎密李密曰昔舜禹皋陶相與語

諸葛武侯集

卷二

語錄

五

故得簡大雅語與凡人言宜碎孔明與言者無已敵言教是以碎耳

傳徵士幹曰諸葛亮達治知變正而有謀而爲之相

陳壽評曰諸葛亮之爲相也撫百姓示儀軌約官職從權制開誠心布公道盡忠益時者雖仇必賞犯法怠慢者雖親必罰服罪輸情者雖重必釋游辭巧飾者雖輕必戮善無微而不賞惡無纖而不貶庶事精練物理其本循名責實虛僞不齒終於邦域之內咸畏而愛之刑政雖峻而無怨者以其用心平而勸戒明可謂識治之良才管蕭之匹亞矣

諸葛亮字孔明瑯琊陽都人漢司隸校尉諸葛豐後也父珪漢末爲太山郡丞亮早孤從父立爲袁術所署豫章太守立將亮及亮弟均之官會漢更選朱皓代立立素與荆州劉表有舊往依之立卒亮寓南陽躬耕隴畝不求聞達好爲梁父吟每自比於管仲樂毅時人莫之許也惟博陵崔州平穎川徐庶元直與亮友善謂爲信然亮與庶及孟公威石廣元俱游學三人務於精熟而亮獨觀其大略每晨夜從容嘗抱膝長嘯顧謂三人曰卿三人仕進可至郡守刺史也三人問其所至但笑而不言則

諸葛武侯集

卷二

本傳

六

其學問所及志量所存已見於躬耕隴畝時矣先主在荆州表使屯新野拒操訪世事於襄陽司馬徽徽曰儒生俗士豈識時務識時務者在乎俊傑此間自有伏龍鳳雛備問爲誰答曰諸葛孔明龐士元也又徐庶見先主先主器之謂先主曰諸葛孔明者卧龍也將軍豈願見之乎先主曰君與俱來庶曰此人可就見不可屈致也將軍宜枉駕顧之由是先主遂詣亮凡三往乃見因屏人曰漢室傾頽奸人竊命主上蒙塵孤不度德量力欲信大義於天下而知術淺短遂用猖獗至於今日然志猶未已君謂計將安出亮以曹操未可與爭鋒孫權可以爲援而不

可圖若跨有荆益外結孫權內修政理則霸業可成漢室可興
矣先王稱善於是與亮情好日密關羽張飛等不悅先王解之
曰孤之有孔明猶魚之有水也願諸君勿復言羽飛乃止劉表
長子琦亦深器亮表受後妻之言愛少子琮不悅於琦琦每欲
與亮謀自安之術亮輒拒塞未與處畫琦乃將亮游觀後園共
上高樓飲宴之間令人去梯因謂亮曰今日上不至天下不至
地言出子口人於吾耳可以言未亮答曰君不見申生在內而
危重耳在外而安乎琦意感悟出守江夏明年表卒琮立會曹
操來侵琮遣使迎降亮說先王攻琮荊州可有先王不忍卒率

諸葛武侯集

卷二

本傳

七

其衆南行亮與徐庶並從爲操所追破獲庶母庶辭先王而指
其心曰本欲與將軍共圖王霸之業者以此方寸之地也今已
失老母方寸亂矣請從此辭先王至於夏口亮曰事急矣請奉
命求救於孫將軍時孫權擁軍在柴桑觀望成敗亮往說以成
敗之機權大悅遣周瑜程普魯肅等水軍三萬隨亮詣先王并
力拒之敗操師於赤壁下操引軍還時張子布薦亮於孫權
亮不肯留當是時微亮以吳師濟師先王幾殆矣先王無赤壁
之捷則其名不得震零陵桂陽長沙之賦稅不能充軍實而盧
江營師靈緒亦不能率部曲數萬口歸先王孫權必不以妹爲

先主妻且分給南岸之地而得領荊州牧也權進妹固好先王
至吳見孫權綢繆恩紀還謂左右曰孫車騎長上短下其難爲
下吾不可以載見之乃晝夜兼行得脫他日先主與龐統宴語
曰卿爲周公瑾功曹孤到吳聞此人審有白事勸仲謀相留有
之乎對曰有之備歎息曰孤時危急當有所求故不得不往殆
不免周瑜之手天下智謀之士所見略同時孔明諫孤莫行其
意亦慮此也孤以仲謀所防在北當賴孤爲援故決意不疑此
誠出於險途非萬全之策也建安十六年益州牧劉璋遣法正
將四千人迎先主使擊張魯法正至荊州陰獻策於先主謂劉

諸葛武侯集

卷二

本傳

八

璋可取龐統亦以爲然乃留諸葛亮關羽守荊州自將步卒數
萬人入蜀孫權聞先主西上遣舟迎妹夫人欲將子禪還吳亮
遣張飛趙雲截江邀禪還先主自葭萌還攻璋亮與張飛趙雲
等率衆泝江分定郡縣與先主共圍成都成都平以亮爲軍師
將軍署左將軍府事先主外出亮嘗鎮守成都是兵足食法正
外統都畿內爲謀主或謂亮曰法正太縱橫宜啓主公以抑其
威福亮曰主公之在公安也北畏曹操之強東憚孫權之逼近
則懼孫夫人生變於肘腋法孝直爲之輔翼令翻然翼翔不可
復制如何禁止使不得少行其意邪亮治蜀頗尙嚴峻人多怨

歎法正謂亮曰昔高祖入關約法三章秦民知德願緩刑弛禁以慰其望亮曰劉璋闇弱蜀土人士專權自恣君臣之道漸以陵替吾今威之以法法行則知恩限之以爵爵加則知榮榮恩並濟上下有節爲治之要於斯而著矣二十三年先主屯陽平關張郃屯廣右先主攻之不能克急書發成都兵諸葛亮以間從事犍爲楊洪洪曰漢中成都咽喉存亡之機會若無漢中則無蜀矣發兵何疑亮遂表洪爲蜀郡太守衆事皆辦二十五年秋七月先主定漢中羣下上表漢帝請先主爲漢中王自驛拜章上還所假左將軍宜城亭侯印授立子禪爲王太子亮以西諸葛武侯集卷二本傳九

土初定在得才實取人不限其方董和黃權李嚴等劉璋故所授任也吳懿費觀等爲璋婚姻彭義璋所擯棄劉巴夙昔之所怨恨也皆處以顯任盡其器能初犍爲太守李嚴辟洪爲公曹嚴未去犍爲而洪已爲蜀郡洪舉門下書佐何祇有才能洪尙在蜀郡而祇已爲廣漢太守西土咸服以亮能盡時人之器用也二十六年春三月蜀中傳言漢獻帝已遇害於是漢中王發喪制服諡曰孝愍皇帝羣下勸先主稱尊號先主未許亮進曰昔吳漢耿弇等初勸世祖卽帝位世祖辭讓前後數四耿純進言曰天下英雄喁喁冀有所望如不從議者士大夫各歸求王

無爲從公也世祖感純言深至遂然諾之今曹氏欺漢天下無
至大王劉氏苗裔紹世而起今卽帝位乃其宜也士大夫隨大
王久勞苦者亦欲望尺寸之功如純言耳先主於是卽帝位策
亮爲丞相錄尙書事假節立宗廟祫祭高祖以下書曰夏四月
丙午漢中王卽皇帝位於武擔之南大赦改元章武是也因去
年冬十月曹丕稱皇帝廢帝爲山陽公今年又傳漢帝崩故也
冬十月亮奉詔營南北郊於成都二年帝東征孫權以復關羽
之恥羣臣皆諫不從敗績亮歎曰法孝直若在則能制主上令
不東行就復東行必不傾危矣三年春帝於永安宮病篤召亮

諸葛武侯集

卷二

本傳

十

於成都屬以後事謂亮曰君才什倍曹丕必能安國終定大事
若嗣子可輔輔之如其不才君可自取亮涕泣曰臣敢不竭股
肱之力効忠貞之節繼之以死帝又爲詔勅後主曰汝與丞相
從事事之如父五月梓宮還成都諡曰昭烈皇帝會皇思夫人
神柩自南郡迎至成都亮議禮追諡合葬惠陵以章武三年改
元建興元年封亮武鄉侯開府治事頃之又領益州牧政事無
巨細咸決於亮與董和並署軍府事獻可替否共爲歡交和死
之日家無擔石之儲亮因發教羣下時邦家新造吳方乘勝國
勢岌岌魏用文告震喝之使以蜀爲內臣亮因秉機衡外結吳

好昭大義以定衆志令無懼懾撫百姓約官職修紀政治蜀人
大和牂牁越巂諸郡叛撫而不討務農植穀閉關息民又妙簡
舊德以佐治因使秦宓爲別駕伍梁爲功曹杜微爲主簿譙周
爲勸學從事亮嘗自校簿書主簿楊顛直入諫亮謝之及顛卒
亮垂涕三日亮慮孫權聞帝殞殂恐有異計未知所如鄧芝言
於亮曰今主尙幼弱初卽尊位宜遣大使重申吳好亮曰吾思
之久矣未得其人今日始得之芝曰爲誰亮曰卽使君也帝遣
芝以中郎將修好於吳芝至吳吳主猶未與魏絕狐疑不卽見
芝芝乃自表請見曰臣今來亦欲爲吳非但爲蜀也吳主見芝

諸葛武侯集

卷二

本傳

十一

曰孤誠願與蜀和親然恐蜀主幼弱不自保全耳芝曰吳蜀二
國四州之地大王命世之英諸葛亮亦一時之傑也蜀有重險
之固吳有三江之阻合此二長共爲唇齒進可并兼天下退可
三分而立此理之自然也大王今若委質於魏魏必上望大王
之入朝下求太子之內侍若不從命則奉辭伐叛蜀亦順流見
可而進如此江南之地非復大王之有也吳主默然良久曰君
言是也遂絕魏魏華歆陳羣各以書與亮使舉國稱藩亮不報
作正議以絕之三年春亮率衆南征馬謖送之數十里亮曰雖
共謀之歷年今可更惠良規謖曰南中恃其險遠不服久矣雖

今日破之明日復反所必然也今公方傾國北伐以事強賊而
知官勢內虛其叛亦速若殄盡遺類以除後患既非仁者之量
且又不可倉卒夫用兵之道攻心爲上攻城爲下心戰爲上兵
戰爲下願公復其心而已亮納其言秋七月亮在南中所在戰
捷聞孟獲爲夷漢並服募生致之既得使觀於營陣之間問曰
此軍何如獲對曰向者不知虛實故敗今蒙賜觀看營壘若祇
如此卽定易勝耳亮笑縱使更戰七縱七擒而亮猶遣獲獲止
不去曰公天威也南人不復反矣遂至滇池南中平皆卽其渠
帥而用之悉收其俊傑孟獲等以爲官屬出其金銀丹漆耕牛

諸葛武侯集

卷二

本傳

十一

戰馬以給軍國之用自是終亮之世夷不復反當時或以諫亮
亮曰若留外人則當留兵兵留則無所食一不易也加夷新傷
破父母死喪留外人而無兵者必成禍患二不易也又夷累有
廢殺之罪自嫌讐重若留外人終不相信三不易也今吾欲使
不留兵不運糧而紀綱羸定夷漢羸安故耳奚必以中國之治
治之乎亮以永康郡吏呂凱府丞王伉執忠絕域俱表爲太守
封亭侯是年曹丕殂明年曹叡立建興五年丞相亮率諸軍伐
魏北駐漢中使長史張裔參軍蔣琬統留府事乃上表出師帝
下詔令丞相露布天下亮行屯於沔北陽平石馬辟廣漢太守

姚仙爲掾仙並進文武之士亮稱之遣魏延諸軍并兵東下魏以昭烈崩歿數歲寂然無聞是以略無預備而卒聞亮出朝野恐懼隴右祁山尤甚故天水南安安定皆去魏應漢關中響震亮揚言繇斜谷道取郿使趙雲鄧芝爲疑軍據箕谷魏曹真舉衆拒之六年春亮身率諸軍攻祁山丞相司馬魏延曰聞夏侯楸少主之婿也怯而無謀今假延精兵五千負糧五千直從褒中出循秦嶺而東緣子午而北不過十日可到長安楸聞延奄至必棄城逃走長安中惟御史京兆太守耳橫門邸閣與散民之穀足周食也比東方相合聚尙二十許日而公從斜谷來亦

諸葛武侯集

卷二

本傳

三

足以達如此則一舉而咸陽以西可定矣亮以此爲危計不如安從坦道可以西取隴右十全必克而無虞故不用延計魏王曹叡西鎮長安命張郃拒亮亮使馬謖督諸軍在前與郃戰於街亭謖違亮節制舉動失宜大爲郃所破亮拔西縣千餘家還漢中收謖下獄殺之仍自臨祭爲之涕泣撫其遺孤恩若平生蔣琬謂亮曰昔楚殺得臣文公喜可知也天下未定而戮智計之士豈不惜乎亮流涕曰孫武所以能制勝於天下者用法明也是以楊干亂法魏絳戮其僕四海分裂兵交方始若復廢法何用討賊耶乃上疏請自貶三等以督厥咎帝以亮爲右將軍

行丞相事是時趙雲鄧芝兵亦敗於箕谷集 衆固守雲亦坐

爲鎮軍將軍亮謂鄧芝曰街亭兵退不復相錄箕谷軍退

兵將不相失何故芝曰趙雲身自斷後軍資什物略無所棄兵

將無緣相失雲有軍資餘絹亮使分賜將士雲曰軍士無利何

爲有賜其物請悉入赤岸庫須十月爲冬賜亮大善之於是考

微勞甄烈壯引咎責躬布所失於天下厲兵講武以爲後圖戎

士簡練民忘其敗矣亮之出祁山天水功曹姜維降亮以其敏

於軍事心存漢室辟爲府掾史典軍事十一月亮聞孫權破曹

休魏兵東下關中虛弱復上表出師曹真攻安定等三郡以亮

諸葛武侯集卷二

本傳

十四

戀於祁山後必出從陳倉乃使將軍郝昭等守陳倉十二月亮

果出散關圍陳倉亮使昭鄉人靳詳於城外遙說昭昭樓上應

之曰魏家科法卿所練也我之爲人卿所知也我受國恩多而

門戶重卿無可言者但有必死耳卿還謝諸葛便可攻也詳以

昭語告亮亮使詳重說昭昭曰前言已定矣我識卿耳箭不識

也詳乃去亮有衆數萬而昭纔數千人又度東救未能卽至乃

進兵攻昭晝夜相攻拒二十餘日曹真遣將軍費耀等救之魏

至自幸河南召張郃於方城間曰遲將軍到亮得無已得陳倉

乎郃知亮深入無穀屈指計曰此臣到亮已走矣郃晨夜進道

未至亮糧盡引去魏將王雙追之亮擊斬雙七年春亮遣陳式
攻武都陰平魏雍州刺史郭淮率衆欲擊式亮自出至建威淮
退遁遂拔二郡蜀人皆賀亮亮愀然有戚容謝曰普天之下莫
非漢民國家威力未舉使百姓困於豺狼之吻一夫有死皆亮
之罪以此相賀能不爲愧於是蜀人知亮有吞魏之志非惟拓
境而已帝復策拜亮爲丞相是歲孫權稱尊號其羣臣以並尊
二帝來告議者因吳限江自保交之無益而名體弗順宜顯絕
其盟好亮謂宜與吳盟乃遣衛尉陳震慶權正號十二月亮徙
府營於南山下原上築漢城於沔陽築樂城於城固八年七月

諸葛武侯集

卷二

本傳

十五

魏曹真請由斜谷數道攻漢命司馬懿泝漢水由西城入與真
會漢中亮聞魏兵至次於城固赤坂以待之會大雨三十餘日
棧道斷絕真軍遂退亮使魏延西入羌中大破魏將郭淮於陽
溪九年春丞相亮伐魏命李嚴以中都護署府事嚴更名平亮
率諸軍圍祁山以木牛運遣人招鮮卑軻比能等至北地石城
以應時曹真有疾魏司馬懿自荊州入朝魏王曰西方事重非
君莫可付者乃使西屯長安督張郃費耀戴陵郭淮等以禦之
懿留精兵四千守上邽餘衆悉出西救祁山郃欲分兵駐雍郡
懿曰料前軍能獨當之者將軍言是也若不能當而分爲前後

此楚之軍所以爲黥布擒也亮分兵留攻祁山自逆懿於上邦
魏將郭淮費耀等微亮亮破之因大芟刈其麥與懿遇於上邦
之東懿斂軍依險軍不得交亮引還懿等尋亮後軍於鹵城張
郃曰彼遠來逆我請戰不得謂我利在不戰欲以長計制之也
且祁山知大軍已在近人情自固可止屯於此分爲奇兵示出
其後不宜進前而不敢偏坐失民望也今亮孤軍食少亦行去
矣懿不從故尋亮既至又登山掘營不肯戰賈詡魏平數請戰
因曰公畏蜀如虎奈天下笑何懿病之諸將咸請戰五月辛巳
乃使張郃攻無當監何平於南圍自寨中道向亮時蜀兵更下

諸葛武侯集

卷二

本傳

十六

者十二魏軍始陳番兵適交僚佐俱言賊衆盛宜權停衆更卒
張助聲勢亮曰吾統武行師大信爲本得原失信古人所惜更
者束裝以待期妻子致望而計日雖臨征難義所不廢督遣令
行於是去者感悅願留一戰止者憤踊思致死命亮使魏延高
翔吳班逆戰魏兵大敗獲甲首三千級立鎧五千領角弩二千
一伯張司馬懿還保營六月亮以糧盡退懿遣張郃追之郃進
至木門與亮戰蜀人乘高布伏弓弩亂發飛矢中郃而卒亮退
軍勸農講武作木牛流馬運米集斜谷口治斜谷邸閣息民休
十三年而後用之十二年春丞相亮伐魏軍渭南遣使約吳同

時大舉夏四月亮至邵司馬懿引軍渡渭背水爲壘以拒之亮屯五丈原剋日交戰懿戎服莅事使人視亮獨乘素輿葛巾毛扇指麾三軍隨其進止懿歎曰諸葛君可謂名士矣魏將郭淮策亮必爭北原宜先據之議者多謂不然淮曰若亮跨渭登原連兵北山隔絕隴道播指民夷此非國之所利懿乃使淮屯北原塹壘未成而漢兵已至淮逆擊却之亮以前者數出皆以運糧不繼使已志不伸是以分兵屯田爲久駐之基耕者雜於渭濱居民之間而百姓安堵軍無私焉相持百餘日亮數挑戰懿不出亮乃遺懿巾幗婦人之服懿怒上表請戰魏使衛尉辛毘

諸葛武侯集

卷二

本傳

十七

杖節爲軍師以制之護軍姜維謂亮曰辛佐治杖節而到賊不復出矣亮曰彼本無戰情所以固請戰者以示武於其衆耳將在軍君命有所不受苟能制吾豈千里而請戰耶亮遣使者至懿軍懿問其寢食及事之煩簡不問戎事使者對曰諸葛公夙興夜寐罰二十以上皆親覽焉所噉食不至數升懿告人曰諸葛孔明食少事煩其能久乎其年八月亮疾病時有大星墜營中帝使尙書僕射李福省視因諮以國家大計福至與亮語已別去數日復還亮曰孤知君還意近日言語雖彌日有所不盡更來求決耳公所問者公琰其宜也福謝前實失不諮請如公

百年後誰可任大事者故輒還耳乞復請蔣琬之後誰可任者
亮曰文偉可以繼之又問其次亮不答是日亮卒於軍中年五
十四亮因病困命費禕與楊儀等作退軍節度令魏延斷後姜
維次之若延或不從命軍便自發故亮卒儀秘不發喪整軍而
出百姓奔告懿懿追之則反旗鳴鼓若將向懿者乃退不敢逼
於是儀結陣而去入谷然後發喪百姓爲之諺曰死諸葛走生
仲達懿聞之笑曰吾能料生不能料死故也懿案行亮營壘處
所歎曰天下奇才也追至赤岸而還諸軍還成都諡亮曰忠武
侯亮遺命葬漢中定軍山因山爲墳冢足容棺歛以時服不須
器物初亮自表後主不別治生及卒如其所言亮性長於巧思
損益連弩木牛流馬皆出其意推演兵法作八陣圖咸得其要
云景耀六年詔爲亮立廟於沔陽亮弟均官至長水校尉亮子
瞻嗣爵

年譜

朱璘

按古人年譜無事則闕惟侯篤生以挽炎祚故編年於首凡
漢帝之有亡廢立則書之昭烈之發跡播遷則書之焉表之
陰謀僭僞堅操之舉動順逆亦書之以見侯當時事艱難其
取荆益連孫吳以圖興復者誠出於至公無私而非僅僅區區

形勢之見也

靈帝光和四年辛酉

是年侯生○皇子協生即獻帝

五年壬戌

六年癸亥

中平元年甲子

黃巾賊起

二年乙丑

三年丙寅

諸葛武侯集

卷二

年譜

一九

四年丁卯

長沙賊區星自稱將軍詔以議郎孫堅為長沙太守討平之

封堅烏程侯

五年戊辰

太常劉焉以益州有天子氣乃求為益州牧

六年己巳

靈帝崩立皇子辯○召董卓將兵詣京師卓廢帝立陳留王

協

獻帝初平元年庚午

侯年十歲○昭烈領平原相以關羽張飛爲別部司馬

二年辛未

長沙太守孫堅起兵討董卓戰於陽人大破之卓請和堅不許卓發掘洛陽諸陵遂入長安堅於入雒修諸陵平塞卓所發掘

三年壬申

四年癸酉

曹操攻徐州牧陶謙初操父嵩避難瑯琊爲謙別將士卒所殺操引兵擊謙坑殺男女數十萬攻其三縣皆屠之雞犬亦

諸葛武侯集卷二

年譜

干

盡

興平元年甲戌

陶謙卒衆推昭烈領徐州牧

二年乙亥

侯早孤從父立爲袁術所署豫章太守將侯及侯弟均之官會漢更選朱皓代立立素與荊州劉表有舊往依之立卒侯寓南陽襄鄧間

建安元年丙子

車駕至洛陽曹操迎天子遷都於許○袁術攻昭烈以爭徐

州呂布襲下邳昭烈敗走歸曹操表爲豫州牧使東擊布
二年丁丑

韓暹楊奉寇畧徐楊間昭烈邀擊斬之

三年戊寅

侯與徐元直及孟公威石廣元遊學三人爲學務於精熟而
侯獨觀其大旨每晨夕從容抱膝長吟○曹操禽呂布昭烈
從操歸許表爲左將軍

四年己卯

荊州牧劉表不修職貢多行僭僞郊祀天地擬斥乘輿詔書

諸葛武侯集

卷二

年譜

五

班下其事○車騎將軍董承稱受帝衣帶中密詔與昭烈共
誅曹操會操遣昭烈擊袁術昭烈遂殺徐州刺史車胄東海
郡縣多從昭烈

五年庚辰

侯年二十歲○董承謀洩操殺承等自擊昭烈拔下邳昭烈

奔袁紹

六年辛巳

曹操擊昭烈於汝南昭烈奔荊州劉表益其兵使屯新野

七年壬午

八年癸未

九年甲申

十年乙酉

十一年丙戌

荆州豪傑歸昭烈者日益多表疑之使拒夏侯惇于禁等於博望昭烈設伏自燒屯偽遁惇等追之伏發而敗

十二年丁亥

侯年二十七歲時昭烈屯新野因徐庶詣侯草廬凡三往乃

見○昭烈子禪生即後帝

諸葛武侯集

卷二

年譜

三十一

十三年戊子

劉表卒子琮降操昭烈走當陽侯奉命使吳與周瑜魯肅等

破操於赤壁以侯為軍師中郎將

十四年己丑

孫權分南岸地給昭烈○昭烈南征武陵等四郡皆降廬江

雷緒率部曲數萬日來歸使侯任臨蒸督零陵桂陽長沙三

郡調其賦稅以充軍實

十五年庚寅

侯年三十歲○孫權以妹妻昭烈昭烈自詣孫權求都督荆

州○以龐統爲治中與侯並爲軍師

十六年辛卯

益州別駕張松勸劉璋迎昭烈璋遣軍議校尉法正將四千人來迎使討張魯昭烈自將數萬人入蜀侯與關羽鎮荊州

十七年壬辰

劉璋殺張松勅關戍勿通昭烈昭烈怒斬璋將楊懷高沛進據涪城

十八年癸巳

昭烈舉兵向雒劉璋諸將皆敗退遂圍雒城龐統中流矢卒

諸葛武侯集

卷二

年譜

三

十九年甲午

侯留關羽守荊州與張飛趙雲泝流西上克巴東分遣趙雲從外水克江陽犍爲張飛定巴西德陽張魯使馬超救璋起降遂圍成都劉璋降昭烈自領益州收以侯爲軍師將軍署左將軍府事治成都

二十年乙未

孫權以昭烈旣得益州令諸葛瑾求荊州諸郡昭烈不許聞曹操將攻漢中因與權和分荊州以湘水爲界長沙江夏桂陽以東屬權南郡零陵武陵以西屬昭烈

二十一年丙申

二十二年丁酉

昭烈進討漢中遣陳式等絕馬鳴閣道魏徐晃擊破之急書發益州兵侯以從事楊洪策遂發兵

二十三年戊戌

曹操自將擊昭烈至長安昭烈屯陽平

二十四年己亥

昭烈自陽平南渡沔水營於定軍山夏侯淵來爭其地昭烈使黃忠乘高鼓噪攻之斬淵昭烈遂有漢中羣臣上表漢帝

諸葛武侯集

卷二

年譜

十四

請立爲漢中王○關羽自率衆攻曹仁於樊仁使于禁龐德屯樊北八月大霖雨漢水溢禁等七軍皆沒羽乘船攻之斬龐德囚于禁自許以南往往逆應羽威震華夏曹操遣使勸孫權躡其後權使呂蒙取江陵羽聞卽走南還西保麥城潘璋與朱然斷羽走道獲羽及其子平皆遇害

二十五年庚子

侯年四十歲○正月曹操自長安還至洛陽卒子丕嗣十月曹丕自稱帝改元黃初廢漢帝爲山陽公

昭烈皇帝章武元年辛丑

魏黃初二年

曹丕篡漢蜀中猶稱建安二十六年及傳言漢帝已遇害漢
中王發喪制服羣臣上尊號不許侯進曰曹氏欺漢天下無
主大王劉氏苗裔紹世而起今卽帝位乃其直也○四月漢
中王卽帝位於武擔之南改元章武以侯爲丞相○六月立
子禪爲皇太子帝恥關羽之歿留侯輔太子自率諸軍東下
勅張飛率萬人自閬州會江州飛臨發爲帳下張達范疆所
害○孫權遣使稱臣於魏魏封權爲吳王

二年壬寅

魏黃初三年
吳黃武元年

二月帝曰禪歸率諸軍至獠亭爲陸遜所敗由步道還魚復

諸葛武侯集

卷二

年譜

五

改名永安○魏因吳侍子不入遂伐之權遣鄭泉來聘帝使
大中大夫宗瑋報之漢吳復通○張飛旣卒侯領司隸校尉
三年癸卯夏五月後帝建興元年

魏黃初四年
吳黃武二年

帝不豫二月侯自成都至永安三月帝病篤託孤於侯以尙
書李嚴爲副遺詔勅後皇帝臨終呼魯王與語吾亡之後汝
兄弟父事丞相令卿與丞相共事而已○四月癸巳帝崩於
永安宮年六十三侯奉喪還成都留李嚴鎮永安五月梓宮
至成都諡曰昭烈皇帝太子禪卽位封丞相亮爲武鄉侯領
益州牧政事無巨細皆決於侯會皇思夫人神柩自南郡迎

至侯議禮追謚合葬惠陵時益州大姓雍闓反流太守張裔於吳將荆太守朱褒擁郡反越嵩帥高定亦叛侯以新遭大喪未便加兵惟遣使禱往安上縣遙領郡從事遣尚書鄧芝修好於吳吳與魏絕○魏華歆王朗陳羣等各有書與侯欲使稱藩侯不答乃作正議

二年甲辰

魏黃初五年吳黃武三年

侯務農

相穀閒關息武○吳使張溫來聘復使鄧芝答之

三年乙巳

魏黃初六年吳黃武四年

三月侯率衆南征詔賜侯金鈇鉞一具曲蓋一前後羽葆鼓

諸葛武侯集

卷二

年譜

五

吹各一部虎賁六十人侯自安上由水路大越駕別遣馬忠伐將荊李恢向益州以捷爲太守廣漢王士爲益州太守高定自旄牛定琴卑水多爲屯守侯欲俟定軍到并討之軍卑水定部曲殺雍闓推孟獲爲主馬忠破將荊李恢破南中至盤江與侯聲勢相連五月侯渡瀘水所在戰捷聞孟獲爲夷漢所服募生致之使觀於營陣之間七縱七擒南中諸郡悉平皆割其渠帥而用之遂至滇池改益州爲建甯郡以李恢爲太守分建甯越嶲地爲雲南郡以呂凱爲太守王伉爲永昌太守移南中勁卒青羌萬餘人於蜀爲五部所當無前號

曰飛軍出其金銀丹漆耕牛戰馬給軍賦之用

四年丙午魏黃初七年
吳黃武五年

侯自南中還治兵講武以俟北征○曹丕卒子叡立

五年丁未魏太和元年
吳黃武六年

侯上表伐魏屯於沔陽○侯子瞻生

六年戊申魏太和二年
吳黃武七年

侯以長史張裔參軍蔣琬統留府事上表出師屯漢中使趙

雲鄧芝為疑軍據箕谷身率諸軍攻祁山南安天水安定三

郡皆應關中響震前軍馬謖違侯節度敗於街亭侯收謖誅

諸葛武侯集卷二年譜

之乃拔西縣千餘家還漢中上疏請自貶三等帝以侯為右

將軍行丞相事○十一月侯聞孫權破曹休魏兵東下關中

虛弱復上表出師曹真使郝昭等守陳倉侯出散關圍陳倉

相拒一十餘日糧盡而還魏將王雙來追侯擊斬之

七年己酉魏太和三年
吳黃龍元年

侯遣陳式攻武都陰平魏郭淮率眾欲擊式侯自出至建威

淮退遁遂拔二郡詔侯復為丞相○孫權稱帝改元黃龍遣

使來告侯遣衛尉陳震往賀權與震盟

八年庚戌魏太和四年
吳黃龍二年

侯年五十歲○魏曹眞請由斜谷寇蜀獻使司馬懿等泝漢
水出西城與眞會侯聞之次於成固赤坂以待之會大雨三
十餘日眞軍退侯使魏延入西羌破郭淮於陽谿

九年辛亥

魏太和五年
吳黃龍三年

侯率諸軍圍祁山以木牛運糧司馬懿西屯長安督將軍張
郃費耀郭淮等留兵四千守上邽餘衆悉出侯自逆懿於上
邽郭淮費耀邀戰侯擊破之懿歛軍依險兵不得交懿使張
郃攻無當自案中道趨戰侯使魏延高翔吳班赴拒大破之
獲甲首三千級立鎧五千領角弩三千一百張懿還保營六

諸葛武侯集

卷二

年譜

三

月侯以糧盡退軍懿遣張郃追之漢兵乘高布伏弓弩齊發

遂殺郃

十年壬子

魏太和六年
吳嘉禾元年

侯勸農講武息民休士

十一年癸丑

魏青龍元年
吳嘉禾二年

侯以木牛流馬運米集斜谷口治邸閣

十二年甲寅

魏青龍二年
吳嘉禾三年

三月山陽公薨於魏魏人謚曰孝獻皇帝葬禪陵○四月侯
率師由斜谷伐魏遣使約吳同時大舉侯至郿軍於渭南司

馬懿引軍渡渭背水爲壘以拒之侯屯五丈原以前者糧運不繼使已志不得伸乃分兵屯田爲久駐之計與懿相持百餘日侯數挑戰懿堅壁不出乃遺懿巾幗婦人之服○八月侯卒於軍年五十四遺命長史楊儀司馬費禕護軍姜維等爲退軍節度司馬懿追之儀反旗鳴鼓若將向懿者懿懼不敢偏入谷然後發喪軍還成都葬漢中定軍山
炎興元年詔爲故丞相亮立廟於沔陽是秋鍾會至漢川祭侯之廟令軍士不得於侯墓所左右芻牧樵采

軼事

諸葛武侯集

卷三

年譜

三

葛氏本瑯琊諸縣人後徙陽都陽都先有葛姓故時人謂之諸葛因以爲氏又秦末有葛嬰者爲陳涉將軍有功而誅漢文帝追錄封其孫諸縣侯因併氏焉

侯父珪字君貢漢末爲泰山郡丞兄瑾少治毛詩尙書左氏春秋事繼母甚孝避亂江東仕吳官至大將軍左都護領豫州牧封宛陵侯弟均官至長水校尉從弟誕仕魏官至征東大將軍封山陽侯進司空

黃承彥者高爽開列爲沔陽名士謂諸葛孔明曰聞君擇婦身有醜女黃頭黑色而才堪相配孔明許卽載送之時人以爲笑

鄉里爲之諺曰莫作孔明擇婦止得阿承醜女

沔南人相傳諸葛公居隆中時有客至屬妻黃氏具麪頃之麪具侯怪其速後潛窺之見數木人斫麥運磨如飛遂拜其妻求傳是術後變其制爲木牛流馬

孔明在南陽同縣龐德公素有重名司馬徽兄事之娶孔明小姊夫妻相敬如賓孔明每至其家獨拜牀下德公初不令止其從子統少時樸鈍未有識者惟德公與徽重之德公嘗謂亮爲卧龍統爲鳳雛徽爲水鑑

襄陽記

亮子喬字伯松本字仲慎兄瑾次子初亮未有子求喬爲嗣瑾

諸葛武侯集

卷二

軼事

三十

亮孫權遣喬來西亮以爲己嫡子故易其字拜爲駙馬都尉隨亮至漢中喬年二十五建興元年卒子攀官至行護軍翊武將軍亦早卒諸葛恪見誅於吳子孫皆盡而亮自有胄喬故攀還復爲瑾後

子瞻字思遠年十七尙公主拜騎都尉侍中尙書僕射加軍師將軍瞻工書畫彊識念蜀人追思亮咸愛其才敏每朝廷有一善政佳事百姓皆傳相告曰葛侯之所爲也景耀四年爲行都護衛將軍與輔國大將軍南鄉侯董厥並平尙書事六年冬魏將鄧艾伐蜀自陰平由景谷道傍入瞻督諸軍至涪停住前鋒

破退還任縣竹艾遺書誘瞻曰若降者必表爲瑯琊王瞻怒斬艾使遂戰大敗臨陣死年三十七時長子尙從歎曰父子荷國重恩不早斬黃皓以致傾敗用生何爲乃馳赴魏軍死次子京字行宗及攀子顯等咸熙元年内移河東晉泰始中詔曰諸葛亮在蜀盡其心力其子瞻臨難而死義天下之善一也其孫京隨才署吏後爲郿令歷官至廣州刺史

曹操遣刺客見先主方得交接問伐魏形勢甚合至計稍欲親近刺客尙未得便會亮至客如廁先主謂亮曰向得奇士足以爲君助亮問所在先主曰起者其人亮徐歎曰觀客色動而神

諸葛武侯集

卷二

軼事

三

懼視低而忤數姦形外漏邪心內藏必曹氏刺客也追之已越牆而走

亮遣魏延諸軍併兵東下惟自留萬人守城司馬懿率二十萬衆拒亮而與延軍錯道徑至前當亮十六里所偵候白懿說亮在城中兵少力弱亮亦知懿垂至已與相偪欲前赴延軍相去又遠回跡反追勢不相及將士失色莫知其計亮意氣自若勅軍中皆卧旗息鼓不得妄出罨幔又令大開四城門掃地却灑懿嘗畏亮持重而猥見勢弱疑其有伏兵於是引兵北趣山明日食時亮謂參佐拊手大笑曰司馬懿必謂吾怯將有彊伏循

山走矣邏候還白如亮所言懿後知深以為恨

郭冲條事

亮出祁山隴西南安二郡應時降圍天水拔冀城擄姜維驅略

士女數千人還蜀人皆賀亮愀然有戚容謝曰國家威力未全

使百姓困於豺狼之吻一夫有死皆亮之罪以此稱賀能不為

愧郭冲條事

雲貴土官中門甚低出人必俯首云武侯遺制欲其敬朝廷也

稍高其戶者輒禍

述異錄

響呼銅鼓曰諸葛鼓相傳以為寶器鼓有剝蝕又聲響者為

上工鼓易牛千頭次者七八百頭遞有等差藏至二三百者即

者武侯集卷二

軼事

三

得視一方

上南志

後平南夷時夜聞軍中多謳歌思歸遂詔眾各與一磚曰若

畫入苦行役欲過返耶枕此而卧詰朝抵家矣從者果然得歸

不用命者終莫能歸今雲南管內有一城居民皆四川人云即

三夜也

述異錄

葛公所止必令軍士種蔓菁取其纒出甲可生啖也葉稍舒

可煮食也久居則隨以滋長也棄去不足惜也回即易尋而採

之也冬有根可斷食也比諸蔬屬其利不亦溥乎西蜀江陵之

人呼蔓菁為諸葛菜

劉禹錫嘉話錄

諸葛公之征孟獲人曰蠻地多邪術須禱於神假陰兵以助之
然其俗必殺人以其首祭則神享爲出兵公不從因雜用羊豕
之肉而包之以麩象人頭以祀神亦享焉而爲出兵後人由此
爲饅頭 事物紀原

孔明聞張溫敗未知其故思之數日曰吾已得之矣其人清濁

太明善惡太分 會稽典錄

孔明駐漢中張裔領留府長史常稱曰公賞不遺遠罰不阿近
焉不可以無功取刑不可以貴勢免此賢愚所以僉忘其身者
也 蜀志

諸葛武侯集卷二

軼事

三三

亮每造陣圖謂八陣旣成自今行師庶不覆敗 水經註

桓溫征蜀猶見武侯時小史年百餘歲溫問諸葛丞相今誰與
比答曰葛公在時亦不覺異自公歿後不見其比 殷芸小說

宋建隆二年曹彬爲都監伐蜀謁武侯祠視宇第雄觀頗有不
平謂左右曰孔明雖忠於漢然疲竭蜀之軍民不能復中原之
萬一何得爲武當因其傾敗者拆去之止留其中以祀香火左
右皆諫不可俄報中殿摧塌石碑出驚視之出土尺許石有刻
字宛若新書乃孔明親題也題云測吾心腹事惟有宋曹彬讀
訖下拜曰公神人也小子安能測哉遂令蜀守新其祠宇爲文

祭之而去 蜀古蹟記

亮集載昭烈遺詔勅後主曰人五十不稱天年已六十有餘何所復恨但以卿兄弟爲念勉之勉之勿以善小而不爲勿以惡小而爲之惟賢惟德可以服人汝父德薄勿效之可讀漢書禮記閒暇歷觀諸子及六韜商君書益人意知聞丞相爲寫申韓管子六韜一通已畢未送道亡可自更求聞達

楊慎曰宋儒論孔明爲後主寫申韓管子六韜曰孔明不以經術輔導少主而乃以刑名兵法何耶唐子西云人君不問撥亂守文要以制略爲貴後主寬厚襟量有餘而權知不足

諸葛武侯集

卷二

軼事

三語

當時識者咸以爲憂六韜述兵權多奇計管子責輕重慎權衡申子覈名實韓子攻事情施之後主正中其病藥無高下要在對病萬金良藥與病不對亦何補哉此言當矣余又觀三國志載孟光問卻正太子情尙正以虔恭仁恕答之光曰如君所道皆家門所有耳吾今所問欲知其權略知調何如耳然則光之見蓋與孔明合而觀申韓書亦先主遺命也獨以是病孔明不惟不成人之美亦不識時務矣

甲寅秋丞相亮軍於郭氏塢有星赤而芒角流於亮營三投再還在大還小亮密表舉蔣琬自代俄卒

司馬徽謂亮曰以君才當訪明師益加學問汝南靈山鄧公玖
熟諳韜略余嘗過而請教如蠡測海益往求之引亮至山拜玖
爲師居期年不教奉事惟謹玖知其虔始出三才祕錄兵法陳
圖孤虛相旺諸書令揣摩研究百曰玖略審所學皆能致其奧
妙謂曰方今天運五龍非有神力者不能濟弱於斯時也亮問
五龍之說鄧公曰秦漢之時五龍變現如嬴秦爲白呂秦爲黑
項王爲蒼漢高爲赤漢文夢黃龍之瑞光武膺赤伏之符故兩
漢互尙黃赤及今漢祚欲終火土垂絕雖餘焰未息當復流之
於西稟金而王孫堅修漢諸陵乘土之德故獅兒創業於江左

諸葛武侯集

卷二

故事

三

與火土爲仇難者水也今曹氏已定北方木繼水生其子有
青龍之祥火襲土而王其後有二火之讖也亮曰操爲國賊權
爲竊命亮當此亂世則惟退隱躬耕養志樂道公曰不然抱此
材器而不拯救斯民非仁者之心然出處必以正劉備漢室之
胄子如一出爲輔則可成立矣亮問關張輩何如公曰羽是解
梁老龍飛是涿郡玄豹雲乃常山巨蟒竺乃東海壽麋其後猶
有襄陽鳳雛長沙虎母西涼駒子天水小龍皆子之良佐使也
蜀郡武當山上有二十七峯三十二巖二十四澗峯最高者曰
天柱紫霄二峯閒有異人曰北極教主有琅書金簡玉册靈符

皆六甲祕文五行道法君子僅習兵陳不喻神通終爲左道所
困遂引至武當拜見惟令擔柴汲水採黃精度日居既久方授
真道術遣下山行世至靈山酆公已北回復命復尋教主亦不
在峯頭風雷聲轟轟如千萬人語始悟神人指點自負不凡司
馬微見之改容曰眞第一流也

杜光庭仙傳拾遺

劉備常使諸葛亮至京因觀秣陵山阜乃歎曰鍾山龍盤石城
虎踞帝王之宅也

張勃吳錄

亮南征詔賜亮金鈇鉞一具曲蓋一前後羽葆鼓吹各一部虎

賁六十人

蜀志注

諸葛武侯集

卷二

軼事

三

亮性長於巧思損益連弩木牛流馬皆出其意

本傳

亮好治官府次舍橋梁道路

袁宏漢紀論

亮於武功病篤後帝遣李福省視遂因咨以國家大計福往具
宣聖旨聽亮所言至別去數日忽馳恩未盡其意遂卻馳騎還
見亮亮語福曰孤知君還意近者語雖彌日有所不盡更來一
決耳君所問者公琰其宜也福謝前實失不諮請公如公百年
後誰可任大事者故輒還耳乞復請蔣琬之後誰可任者亮曰
文偉可以繼之又復問其次亮不答福還奉使稱旨

益部耆舊
雜記

亮時軍旅屢興赦不妄下自亮沒後茲制遂虧

華陽國志

川人

先王領荊州龐統以從事守耒陽令不治免官吳將魯肅遺先
王書曰龐士元非百里才也使處治中別駕之任始當展其驥
足耳諸葛亮亦言之於先王先王見統與言譚大器之以爲治
中從事

討虜將軍黃忠勇毅冠三軍破斬夏侯淵先王欲用忠爲後將
軍而以關羽爲前將軍諸葛亮說先王曰忠之名位素非關馬
之倫也今便令同列馬張在近親見其功尙可喻指關遙聞之
恐必不悅得無不可乎先王曰吾當自解之

諸葛武侯集

卷三

川人

三七

法正多陰謀善設奇制變昭烈之取益州皆其力也諸葛亮與
正雖好尙不同以公義相取每奇正智術

許靖爲劉璋蜀郡太守先王進圍成都靖欲踰城出降先王薄
之定蜀後益無意於靖孔明諫曰靖人望不可失也借其名以
竦動宇內於是稍尊之尋拜司徒靖年已踰七十愛樂人物誘
納後進清談不倦孔明皆爲之拜

丞相亮領益州牧徵杜微爲主簿微自稱耳聾固辭舉而致之
亮引見以微不聞人語於坐上與書焉

廣都長蔣琬衆事不理時又沉醉先王欲加罪戮軍師將軍亮

請曰蔣琬社稷之器非百里之才其爲政以安民爲本不以修飾爲先願加察之建興元年丞相亮開府琬爲東曹掾每出師以琬統留府事

劉璋欲迎先主劉巴極諫璋不聽俄而先主定益州巴辭謝負罪先主不責而亮數稱薦之辟爲左將軍西曹掾嘗稱之曰運籌策於帷幄之中吾不如子初遠矣若提枹鼓會軍門使百姓喜勇當與人議之耳

武侯以董厥爲府令史稱之曰董令史良士也吾每與之言思慎宜適徙爲主簿

諸葛武侯集

卷二

川人

三

武侯鎮荆土孫權遣使通好因問士人偕誰相經緯者武侯答曰龐統廖立楚之良才當贊興世業者也後立爲侍中後主卽位徙長水校尉立意自謂才名宜爲武侯之貳而更游散常懷怏怏於是武侯劾立廢爲民徙汝山

武侯深識楊戲名年二十餘從州書佐爲督軍從事職典刑獄論法決疑號爲平當辟爲府屬主簿

馬良留荆州遺亮書先主辟爲左將軍掾後遣使吳良謂亮曰今衝國命協睦二家幸爲良介於孫將軍武侯曰君試自爲文良弟謾爲荆州從事才器過人武侯深加器異引爲參軍

魏延勇猛過人又性矜高當時皆避下之惟楊儀不假借延孔明深惜儀之才幹延之驍勇常嘲二人之不平不忍有所偏廢爲作甘戚論

先主領益州收拔彭素爲治中從事形色囂然自矜得遇滋甚諸葛亮雖外接待素而內不能善屢密言先主素心大志廣難可保安先主既敬信亮加察素行事意以稍疏

譙周潛識內敏體貌朴素無造次辨論之才初見孔明左右皆笑既出有司請推笑者孔明曰余尙不能忍况左右乎

王連爲劉璋梓潼令先主進軍來南連閉城不降先主義之不

諸葛武侯集卷二

川人

三

強逼也及成都平以連爲什邡令轉廣都有績遷司鹽校尉利入甚多又簡收良才以爲官屬遷蜀郡太守丞相亮南征連諫以爲此不毛之地疫癘之鄉不宜以一國之望冒險而行亮慮諸將才不及已意欲必往而連言輒懇至停留久之後拜屯騎校尉領丞相長史封平陽亭侯

武侯南征羣僚於數十里逢迎年位多在費禕右而武侯特命禕同載由是衆人莫不易觀後禕奉使稱旨頻煩至吳請爲參

軍

先主定蜀以李邵爲州書佐從事建興元年丞相亮辟爲西曹

掾亮南征留邵爲治中從事

丞相亮主簿吳濟字偉度有忠盡之效亮發教羣下與董和徐庶並稱

益州太守張裔字君嗣性敏辨會雍闓不賓縛送吳諸葛孔明遣鄧芝使吳令芝言次可從權請裔裔自至吳數年流徙伏匿權未之知也故許芝遣裔裔至蜀丞相亮以爲參軍署府事又領益州治中從事

張翼討劉胄未破會被徵當還羣下咸以爲宜便馳騎卽罪翼

曰不然吾以蠻夷蠢動不稱職故黜耳然代人未至吾方臨戰

諸葛武侯集

卷二

川人

四十

場當運糧積穀爲滅賊之資豈可以黜退之故而廢公家之務於是統攝不懈代到乃發馬忠因其成基以破殄胄丞相亮聞而善之亮出武功以翼爲前軍都督領扶風太守

姚仙字子緒爲廣漢太守丞相亮北駐漢中辟爲掾仙並進文武之士亮稱之

丞相亮連年出軍調發諸郡多不相救縣竹令呂乂募兵詣亮遷漢中太守兼領督農供繼軍實

亮南征自安上繇水路入越巂別遣馬忠從牂牁李恢向益州以犍爲太守廣漢王士爲益州太守高定元自旄牛定笮卑水

多爲壘守亮欲俟定元軍衆集合并討之軍卑水定元部曲殺
雍闓及士庶等以孟獲代闓爲主亮旣斬定元而馬忠破牂牁
李恢軍南中夏五月亮渡瀘進征益州生虜孟獲遂平四郡改
益州爲建甯以李恢爲太守加安漢將軍領交州刺史移治味
縣分建甯越巂置雲南郡以呂凱爲太守又分建甯牂牁爲興
古郡以王伉爲太守移南中勁卒青羌萬餘家於蜀爲五部所
當無前號爲飛軍勸大姓富豪令出金帛聘樂惡夷爲家部曲
得多者奕世襲官於是夷人貪貨物以漸服屬於漢成夷漢部

曲

諸葛武侯集

卷一

用人

望

街亭之敗衆皆星散惟王平所領千餘人鳴鼓自持魏張郃疑
有伏不敢逼故平得徐徐收合諸營率將士而還武侯旣誅馬
謖及將軍張休李盛奪將軍黃襲等兵平進加討寇將軍
武侯出師屯漢中向祁山時天水姜維詣武侯降武侯美維膽
智辟爲倉曹掾使典軍實

武侯治蜀用法峻密陰聞何祇游戲放縱不勤所職當奄往錄
獄祇密聞之夜張燈火見囚讀諸解狀武侯晨往祇悉已誦誦
答對解釋無所凝滯武侯甚異之出補成都令時郫縣令缺復
令祇兼之

武侯駐漢中廣漢緜竹山賊張慕等抄盜軍資劫畧吏民武侯遣都尉張疑將兵討之斬慕等五十餘級渠帥悉殄

關興少有令聞武侯深器異之弱冠薦爲侍中中監軍

武侯北任漢中請霍峻之子弋字詔先爲記室使與子喬共周旋游處及後主立太子璿以弋爲中庶子璿好騎射出入無度弋援引古義盡言規諫甚得切磋之體

武侯將北征任漢中慮後主富於春秋朱紫難別以董允秉心公亮任以宮省之事尋請允爲侍中領虎賁中郎將統宿衛親兵

諸葛武侯集

卷二

用人

四十一

武侯以南陽郭攸之器業知名性素和順疏請備員

費詩隨武侯南行降人李鴻來詣武侯時蔣琬與詩在坐鴻曰間過孟達許適見王冲從南來言往者達之去就明公切齒欲誅達妻子賴先主不聽耳達曰諸葛公見顧有本末終不爾也盡不信冲言委仰明公無復已已武侯謂琬詩曰還都當有書與子度相聞

初亮以曹真欲三道向漢川命李嚴將二萬人赴漢中表嚴子豐爲江州都督典嚴後事亮當出軍命嚴以中都護署府事嚴改名爲平催督理事值天霖雨運糧不繼平遣參軍狐忠督軍

成藩喻指呼亮來還亮承以退軍平聞軍退乃更陽驚說軍糧
饒足何以便歸又表後主說軍偽退欲以誘賊與戰亮具出其
前後手策書疏本末平辭窮情竭首謝罪負於是亮表劾平廢
平爲民徙梓潼郡後平聞亮卒發病死平常冀亮當自補復策
後人不能故以激憤也

廖立徙汝山郡躬率妻子耕殖自守聞亮卒垂泣歎曰吾終爲
左衽矣卒死徙所

秦宓傳吳使張溫來聘百官往饑衆人皆集而宓未往丞相亮
累遣使促之溫曰彼何人也亮曰益州學士也及至溫問曰天

諸葛武侯集

卷二

用人

五

井研縣中有掘地者得一釜鐵色光瑩將來造飯少頃卽熟一
鄉皆異有爭之者不得其輟於縣中令命取看未至堂下失手
落地分之爲二中乃夾底心懸一符文不可辨旁有八分書諸
葛行鍋四字又麻城毛柱史鳳韶爲子言近日平谷縣耕民得
一釜以涼水沃之忽自沸以之炊飯卽熟釜下有諸葛行鍋字
鄉民以爲中有寶物乃碎之其釜覆層中有水火二字卽前物
也異哉

丹鉛錄

梁將王縝與陸法相守巫峽軍次白帝法和謂人曰諸葛孔明
可謂名將吾自見之此城旁有其埋弩箭鏃一斛許因插表令

製器

諸葛公嘗欲鑄刀而未得會蒲元爲西曹掾性多巧思因委之於斜谷口鎔金造器特異常法刀成自言漢水鈍弱不任淬用蜀江爽烈是謂大金之元精天分其野乃命人於成都取江水至元以淬刀言雜涪水不可用取水者猶悍言不雜元以刀畫水云雜八升何故言不雜取水者叩頭服云實於涪津渡負倒覆水懼怖遂以涪水八升益之於是咸共驚服稱爲神妙刀成以竹筒密納鐵珠滿中舉刀斷之應手虛落若雉水芻牧稱絕當世因曰神刀今屈耳環者是其遺範也

別傳

諸葛武侯集

卷二

製器

聖

井研縣中有掘地者得一釜鐵色光瑩將來造飯少頃卽熟一鄉皆異有爭之者不得共舉於縣中令命取看未至堂下失手落地分之爲二中乃夾底心懸一符文不可辨旁有八分書諸葛行鍋四字又麻城毛柱史鳳韶爲予言近日平谷縣耕民得一釜以涼水沃之忽自沸以之炊飯卽熟釜下有諸葛行鍋字鄉民以爲中有寶物乃碎之其釜覆層中有水火二字卽前物也異哉

丹鉛錄

梁將王縝與陸法和守巫峽軍次白帝法和謂人曰諸葛孔明可謂名將吾自見之此城旁有其埋弩箭鏃一斛許因插表令

掘之如其言 神僧傳

武岡州有一幕官因鑿渠得一瓦枕枕之聞其中鳴鼓起播一更至五更鼓聲次第更轉不差既聞雞鳴亦至三唱而曉抵暮復然其人以為怪乃碎之見其中設有機局以應夜氣乃武侯所製雞鳴枕也 述異

丞相亮損益連弩謂之元戎以鐵為矢矢長八寸一弩十矢俱

發魏氏春秋

亮集督運廖立杜叡胡忠等於景谷縣西南二十五里白馬山

推已意作木牛流馬 杜氏通典述

諸葛武侯集 卷二 製器

五

諸葛鼓乃銅鑄面廣一尺七寸高一尺八寸邊有四獸腰束下空旁有四耳花文甚細色澤如瓜皮重三十餘筋懸於水上用棲木槌擊之聲極圓潤乃孔明擒孟獲時所製 益部談資

銅鼓旁範八卦蟾蜍狀似覆盤懸而擊之下映以水其聲非鐘

非鼓都掌夷所寶相傳為孔明鑄者直數十鎰 戎州志

諸葛公教云敕作部皆作十折矛以給之又教云作部作匕首

五百枚以給騎士 蜀廣記

諸葛公持白羽扇指揮三軍今成都出羽扇攢襍鳥毛為之蓋

其遺制也 廣記

滇中苗獫狁糜之屬擔負貨物頭戴半木枷徒行亦不暫脫
相傳武侯定南中設此號令羣夷使其不敢與漢人爲伍以別
貴賤 滇記

打箭鑪廳志相傳諸葛武侯渡瀘而西嘗鑄軍器於魚浦之地
郭達一夜打箭三千稱爲神手遂封爲將軍

先帝章武二年於漢川鑄一鼎名克漢鼎置丙穴中八分書三
足又鑄一鼎沈於永安水中紀行軍奇變又鑄一鼎於成都武
擔山名曰受禪鼎又鑄一鼎於劍口山名曰劍山鼎並小篆書
皆武侯跡 古鼎錄

諸葛武侯集

卷二

製器

吳

亮圍陳倉使人說郝昭不下昭兵纔千餘人亮進攻之起雲梯
衝車臨城昭以火箭逆射其梯又以繩連石磨壓其衝車衝車
折亮乃更爲井闌百尺以射城中以土丸填塹欲直攀城昭又
於內築重牆亮又爲地穴欲踊出於城裏昭又於城穿地橫截
晝夜相攻拒二十餘日 魏略

武侯撰相書一卷相山訣三卷大明堂鑑一卷 鄭樵通志

諸葛亮作八務七戒六恐五懼皆有條章以訓厲臣子 魏氏春秋

琴經一卷諸葛亮撰述製琴之始及七絃之音十三徽取象之

意 中興書目

勝蹟

成都書臺坊武侯宅南乘煙觀內有古井井內有魚長六七寸
往往遊於井上水必騰涌相傳以為其井有龍也杜光庭錄異記

諸葛井在成都府大慈寺西里許自上窺之祇見其三邊更一
邊不知其際涯也昔孔明鑿此以通井絡王氣俗傳有人入井

聞其中有雞聲方輿勝覽

諸葛洞在龍州宣尉司南石崖屹立傍有石洞數步相傳諸葛
公征九溪蠻嘗過此留宿洞中石牀存焉懸粟一握以秣馬化
為石粟至今神之

諸葛武侯集

卷二

勝蹟

聖

殿曰此不利於城命毀之修築將臺穿地取磚至四五丈得一
石碑上有篆書云修塔示一範塔張獻忠歲逢甲乙丙此地
血流血妖之終川北毒氣播川東艾蒿不用竹一箭貫當胸漢
建興元年丞相諸葛孔明記寄園寄所寄

漢陽山在宜符縣八十里漢武帝迺西南夷自此山之南皆漢
地故云諸葛武侯征蠻過此今崖壁上鑄武侯征蠻過道六字
猶存本志

臨邛有火井漢室之盛則赫熾桓靈之際火勢漸微諸葛孔明
一窺而更盛至景耀元年人以燭投即滅其年蜀併於魏異苑

明顧東橋云凡兩經其地初視其面色淡紅後則鮮若更新殆不可曉

史萬歲征甯南夷至南中行數百里見諸葛紀功碑銘其背曰萬歲之後勝我者過此萬歲先令左右倒其碑後迺進軍破三十餘部諸夷請降遂勒石頌德

隋書

銅鼓山在廣西柳州府融縣二十里舊傳諸葛孔明散銅鼓以魘獠人後有得於山者以名

一統志

成都東門外沿江十里有鎮江橋橋畔有迴瀾塢萬曆中布政余一龍所修崇正十六年張獻忠破蜀後登塢見成都城池宮

諸葛武侯集

卷二

勝蹟

聖

殿曰此不利於城命毀之修築將臺穿地取磚至四五丈得一石碑上有篆書云修塢示一範塢張獻忠歲逢甲乙丙此地血流血妖之終川北毒氣播川東吹簫不用竹一箭貫當胸漢建興元年丞相諸葛孔明記

寄園寄所寄

漢陽山在夔符縣八十里漢武帝迎西南夷自此山之南皆漢地故云諸葛武侯征蠻過此今崖壁上鑄武侯征蠻過道六字

猶存

本志

臨邛有火井漢室之盛則赫熾桓靈之際火勢漸微諸葛孔明一窺而更盛至景耀元年人以燭投則滅其年蜀併於魏

異苑

出府城西北爲朝真觀觀中立列有聖母仙師乘煙葛女之祠
故老相傳武侯有女於宅中乘煙輕舉

魏了翁朝真觀記

張澗按武侯女名果見集仙錄以其奉事禳斗之法後必證
仙果故名曰果也鶴山非妄語者乘雲上升未可以爲誕矣

隆中山在襄陽府城西二十五里孔明常居於此府西有卧龍

山宅西有避暑臺有三額門因昭烈三顧而名

襄陽府志

雅州周公山相傳孔明於此夢見周公因立廟爲文憲廟

蜀志

定軍山武侯廟有石琴一拂之聲甚清越相傳武侯所遺

地輿志

灌縣都安大堰亦曰湔堰又謂之金堤水旱從人不知饑饉沃

野千里世號陸海諸葛亮北征以此堰農本國之所資發征丁

諸葛武侯集

卷一

勝蹟

完

千百二人主護之有堰官

酈道元水經注

南詔蠻本烏蠻之別種姓蒙氏蠻謂王爲詔自言哀牢之後代

居蒙舍州爲渠帥在漢永昌故郡東姚州之西其先渠帥有六

白號六詔兵力相埒各有君長無統帥蜀時爲諸葛亮所征皆

臣服之

唐書

唐時有盜發先主墓盜數人齊入見兩人張鏡對奕侍衛十餘

盜驚懼拜後一人曰爾能飲乎各飲以一杯又與玉腰帶數條

令速出盜至外甫言畢口已漆矣玉帶乃巨蛇也視其穴已封

固如舊云陵是諸葛武侯所造

談藪

雲南三宣三慰諸彝反少保偕鄧武橋平之獨兵窮追深箐中
獲二巨碑鐫大刀平彝四字漢丞相諸葛武侯記也武橋雅自
負謂少保曰武侯誠神矣雖然何以不能知子龍語畢而石裂
中復有碑橫列副將鄧子龍五字其下凡從征偏裨弁曰莫不
有名而獨遺中軍陳貴時諸與名者人人自樂叩首碑前頌武
侯神明貴卻立俛慚其部卒怒推石仆之所仆石中又脫出一
小碑文云陳貴奮力推碑

劉少保雜記

嘉靖中建乾清宮遣少司馬馮清求大材於蜀地至孔明廟見
柏謂無出其右定爲首選用斧削去其皮硃書第一號字俄聚

諸葛武侯集

卷二

勝蹟

辛

千百人斫伐忽羣鴉無數飛遶鳴噪啄人面目藩臬諸君皆力
諫遂止命削去硃書深入庖理字畫燦然

陸深游梁雜鈔

金容坊有石二株舊曰石筍前秦遺址諸葛孔明掘之有篆字
曰蠶叢啟國之碑以二石柱橫埋中連以鐵一南一北無所偏
倚有五字濁歎燭觸觸時人莫曉後范長生議曰亥子歲濁字
可記主水災寅卯歲歎字可記主饑饉巳午歲燭字可記主火
災辰戌丑未歲觸字可記主兵災申酉歲觸字可記主豐稔後
以年事推之悉皆符驗

錦繡萬花谷

諸葛武侯集卷二終



